

有正味齋全集





有正味齋詞集

有正味齋詞集卷五目錄

錢塘 吳錫麒 聖徵

三影亭寫生譜上

春從天上來 初陽臺觀日出

西湖月 晚雨初歇涼月在空樓彎淺眉已含

壺中天 秋夕同人集寒香館待月

永遇樂 壬戌中秋平遠山房待月

水龍吟 來熏堂觀雨

梅子黃時雨 梅雨約倪文鼎樹同賦

徵招 積雨連旬青苔及榻有老杜舊雨不來之句

高陽臺 秋雨

無悶 雪意



鎖窗寒 秋烟

望湘人 春陰

宴清都 秋陰

戚氏 秋聲

眉嫵 秋山

眼兒嬌 山眉

前調 山嶺

南浦 春水用玉田韻

齊天樂 浪花

無悶 寒原

壺中天 陳古華太守索咏荔枝石

瑣窗寒 蕤歟詞話京師冬月既以紙糊窗格用琉璃片畫作花草人物嵌之此歐陽楚功詞所謂花戶油窗也

前調 涼棚

憶舊遊 秋寺

西子妝 題樊榭先生湖船錄後

前調 吳俗駕六柱船飾以簾幔羊燈照春鴨爐張夕木瓜茉莉之屬先時雜陳其名曰湯湖復有打漿小娃參舟彼美分眉寫意畫安花洵欲界之仙苑亦柔鄉之寶筏也

疎影 帆影

百字謠 酒帘

青玉案 香篆仙觀察於揚州高旻寺見梅寮道人遺硯佳持如長老知爲查氏故物遂以歸之觀察爲文記其顛末并系以詩余賦此調

天香 張芭堂所藏石絲一枚明隆慶年物上有龍香御墨四字

前調 小香南館賦高麗紙

瑞鶴仙 趙吳興私印拓本桂未谷索題

月邊嬌 宋綽絲月中攀桂圖集三硯齋賦



玲瓏四犯

藕心錢沈德尊索賦

滿江紅

秘戲錢

天香

龍涎香

前調

龍涎

八寶妝

題張世堂羽扇

合歡帶

蜀府扇

天香

薛鏡

泌園春

閨中用素紙薄收置寒星絨線等物杭俗謂之鍼線本張船山檢討以東野有歌帖迴針線非獨李裁絳之句云當稱為鍼線帖作詩索和余製此詞答之

轆轤金井

詠走馬燈

高陽臺

西瓜燈次金棕亭韻

齊天樂

響竹

卧龍

周瑜火燒曹兵赤壁下

東阿王魚山聞梵

廣武歎

張華畫地成圖

殷浩書空

王猛捫蝨

換鵲帖

王子猷看竹

阮孚蠟屐

杖頭錢

謝傳東山



淵明歸隱

宗少文卧遊

江淹夢五色筆

沈家令

陶通明移居

蘭陵王入陣曲

庾信小園

螢苑

十八學士登瀛洲

三箭定天山

王勃腹稿

廣寒遊

孟浩然夜歸鹿門

摩詰輞川

洛陽耆英會

陸羽爲茶神

烟波釣徒

李愬雪夜入蔡州

韓碑

潯陽琵琶

吳越王射潮

金錢買燈

和靖觀梅

狄青元夜張宴奪崑崙關



鄭俠流民圖

東坡赤壁後遊

換羊書

韓蘄王湖上騎驢

百宜嬌

檳榔

鳳卵勻圓錦郎文采萬里似曾相識小娃蘭葉細評茗起殘飽  
一般銷得春生笑語問可抵香含雛舌漸迷迷淺暈芙蓉晚潮  
添上雙靨曾共說瘴陰吹黑蕉夢憶南天酒闌時節餘銖釜分  
堆青童低捧鸞語殷勤畱客瓊壺擊碎膽幾點塵餘紅滴早琴  
川過了花時雨搖暈環



有正味齋詞集卷五

錢塘 吳錫麒 聖徵

三影亭寫生譜上

春從天上來

初陽臺觀日出

臺古山空暮唱起天雞烟散濛濛光生遠岫影入長松扶桑萬  
里霞紅早一輪端正和海色飛出天東隔前林聽鴉聲纔動樵  
語旋通 蒼茫俯看塵世正夢繞行雲曉睡都濃露洗涼衣風  
吹欹帽何人畫我支筇儘染成秋意休更數冷淡江楓盪心胸  
現羣峰璀璨金碧芙蓉

西湖月

晚雨初歇涼月在空彎彎淺眉已含秋意





滿天翠雨飛殘又洗出烟邊一痕月細畫蛾風韻香奩小筆慣  
搜涼意蟾關秋尚早恁寫得秋心和影碎更暗浸幾葉梧桐化  
作一庭空水旋催紫豆花開聽多少蟲機曳餘蕭緯笛聲遙  
答伊涼換譜素娥知未團圓應有準待問訊天香風露裏惹嬌  
女未是愁時拜來簾底

壺中天

秋夕同人集寒香館待月

銀雲捲盡早寒空似洗涼魄初逗花底爲憎秋太艷斜挂一痕  
清瘦涼葉低翻絲蟲暗墮素影徘徊久天涯人意數愁先到歌  
酒會照下古繁華亂蛩衰草只二分依舊我亦闌干尋昨夢  
難問凭時羅袖靜響笛鐘間情簪笛露冷黃昏後催教圓滿隔  
宵吟醉還又

永遇樂

壬戌中秋平遠山房待月

判斷秋心撥開雨脚涼動澄宇借酒先邀停琴更佇目極銀河  
路水聲雲學林聲風送聽換羽衣新譜只清光迷離不定一珠  
嬾向烟吐闌干起拍素娥前約料也不應虛度乍閃廊簷徐  
流屋角爭得銀鸞舞樓臺照遍有人愁倚怕已桂花期誤忍重  
催鏡掩中宵者情更苦

是夜月食

水龍吟

來熏堂觀雨

晚雲忽涌芙蓉滃然失却前溪翠平波萬頃白烟橫捲亂跳珠  
碎小扇初停單紗漸薄江南秋意惹水芝無數紅搖碧顫纔半  
霎香都褪徐聽嬌雷碾過帶涼痕碧天如洗遮留俊侶闌干



拍遍雙歌初起磬墮風前絃生竹外一蟬催暑早消殘簷滴明蟾漾影在湖烟裏

梅子黃時雨

梅雨約倪丈嘉樹一擊同賦

雲葉粘空放林角半晴旋又催雨臘麥後殘寒玉篝凝聚猶有賀家滋味在餘酸送過江南路重屏暮別夢醒時聽聞蛙鼓閒觀綠濛濛處已金丸潤透輕墮無數問浣壁新痕墨花誰譜獨立蒼苔人不見隔簾吹濶銀箏柱陶瓶貯試尋煮茶風趣

徵招

積雨連旬青苔及榻有老杜舊雨不來之感

濛濛濕氣和烟漬山蘊病花尤苦空際捲涼濤向檐牙掀舞屐聲深巷佇歎前約翦燈頻誤一夢西園暗苔空綠燕歸無主

淒絕又黃昏吳娘遠蕭蕭舊歌誰譜鬢雪種先成恁秋無尋處草蟲渾不語怕迷了江南來路畫圖裏破傘遮頭認蒼山行旅

高陽臺

秋雨

荷網粘珠苔鬚濕玉絲絲灑破秋陰飛上疎花漸教清淚盈襟西風不是催愁客是愁人聽到愁深又聲聲聽打芭蕉攪碎鄉心一淒涼誰共挑燈語歎門堆落葉床擁孤衾人遠天涯滿城響答寒砧今宵莫恨妨歸夢掩江關夢已沉沉只催租怕近重陽損了幽吟

無悶

雪意

寒壓雲低遮絮護花爭得東風早晚任凍雀梅邊幾番偷眼盡



日陰晴不定逗一線樓頭斜陽短寫成畫本模糊粉墨試看天  
半一深院小門掩聽笛唱聲聲玉龍曾喚好料理尋詩預商驢  
券莫遣圓珠化淚便惹起梨花春來怨待夢裏蝴蝶尋歸定識  
灞橋人面

鎖窗寒

秋州

變不成雲吹能作雨悄和涼聚丹黃未染預畫數峰疎處鷺西  
風前淡送來似攔水口渾無路只雁聲遙遞江湖一白暗聞柔  
艣一延佇誰尋語又潦盡潭清荻邊凝洄斜陽淡了望到歸帆  
還悞莫飄空都化水飛漸連橘柚寒又暮道沙汀移過多時蟬  
火星星露

望湘人

春陰

慣畱寒弄暝非雨非晴談拋多少春色半帶閒愁半迷歸夢黯  
黯離蕪空碧閣處雲濃禁餘烟重欲移無力最晚來如雪東欄  
一樹梨花明白孤負餞簫巷陌已清明時過嬾攜游屐只潤  
逼熏爐約略故香畱得天涯燕子問伊來也可有斜陽信息聽  
傍人半晌呢喃似怨暮寒簾隙

宴清都

秋陰

楓葉今朝冷吳帆外夕陽千里無影竹光杳冥楊絲掩冉作去  
成淒迴尋烟說與西風載涼意都輸小艇好畫來鷗鷺明邊幾  
莖蘆絮搖暝江湖況味曾諳年年消黯空覓吟興菰蒲舊夢  
梧桐別恨幾時能醒無端釀雨商晴盪一片秋心不定待笛聲



喚出同看明蟾樹頂

戚氏

秋聲

怕秋悲秋來偏已耳邊知碎竹廊前老荷叢底幾聲飛遲遲弄  
參差林梢掩抑送斜暉須臾萬籟遙答滿空商氣撼牕屏風也  
雨也都和砧杵擾成一片淒迷便些些碎碎如怨如訴茅屋東  
西雲外最苦猿嘯山木響合慘慘動相思何堪又雁調哀柱  
蟲曳涼機惹獻歛玉漏暗共宵移二十五點高低數從枕畔暈  
入燈邊老盡千丈華絲更有消魂處客窗倦讀問夜何其不  
信吹來落葉驀開門滿地月如篩此時遠望茫茫似醒似夢莫  
話蕭條意甚釀來多作愁滋味度樓角笳正淒淒引水邊笛又  
枝枝惱人是欲睡不成時且呼童起吹蘆花火獨自絃詩

眉嫵

秋山

趁纖蘿裊裊禿木騷騷描出一痕瘦削閃歸鴉去蒼茫裏斜陽  
微帶寒逗鬢鬢更秀露幾尖雲外疎透漸前徑聽唱樵歌起葉  
聲踏來驟會記招邀吟友向最高頂上同賞重九眼底冷紅  
飛淒涼甚年年孤負茱酒翠蛾似舊早影涵新雁飛又愛獨立  
危峰端正獻青戶牖

眼兒嬌

山眉

纖纖粉本卓家來點染出新裁春濃秋淡烟橫霧皺十樣圖開  
曉粧暈入菱波裏妬殺小漁娃蛾分八字螺堆五斛可惜天  
涯



又

山額

烟邊一角認微茫亂髮覆松篁洗頭纔罷蒼苔帖翠步照塗黃  
六朝金粉當時見描畫只尋常天然付與梅花萬樹特助寒  
妝

南浦

春水用玉田韻

溪口夜來生便和烟帶雨溶溶流曉漁婦理粧窺纔今日鏡面  
峭寒新掃樓臺倒影藏春莫道瓊壺小眼底綠波如畫就亂浸  
四圍花草相逢不戀萍蹤只依依南浦鷗盟未了時節過前  
裙問天上何日畫船人到魚書杳渺年年杜若香生悄那料尋  
源來又誤吹得落紅都少

齊天樂

浪花

紛紛浪擲東風裏低蓬濺來無數幾朵吹翻一窩撲碎打槳聲  
中掀舞芳心淡貯愛粼雪跳珠萬斛深處暈入烟波枉教偷眼  
到鷗鷺吳淞新翦半幅認羅裙學繡凝眸還誤的顰呈圓玲  
瓏結串每帶回潮涼聚何曾久駐只泡影虛空畫禪能悟水枕  
頻欹滿衣生暗雨

無悶

寒原

雲不分明遙接雁邊知隔荒蕪幾里只茱校霜晴略餘寒翠道  
是牛羊下也早逐隊蕭蕭斜陽裏寺鐘漸歇烟迷斷塔一山如  
睡沙尾正舟艤畫待渡行人瘦鴉偏似更幾筆蕭蕭冷添風



意料得明朝雪大已凍壘模糊塗空際獵火宵看好認北平飛  
騎

壺中天

陳古華太守

廷慶

索咏荔支石

楓亭人到認攜歸鰓紫陳家堪數落地星精能幻化似要筠  
盛取著色邀憐留香待璧漫許神仙煮支機持贈阿環微笑偷  
觀還念寶晉齋中老顛拜後聲價誰同汝賄取輕紅三百顆  
合八端明新譜連理因緣側生情味團結雲根古清饒解否袖  
來猶帶烟露

瑣窗寒

蕤歟詞話京師冬月既以紙糊窗格用琉璃片畫作花  
草人物嵌之此歐陽楚功詞所謂花戶油窗也

梵字棉交水油紙滑玲瓏一片年光小雪不怕峭寒凝晚溫東  
風梨雲亂飛似在琉璃影中見驀夕陽明滅金迷紙醉那家庭  
院閒翫幔徐捲認畫向青紗折枝花滿多情遮護幾度夢魂  
歸緩早前廂春聲乍催悄地重窺那人面勝荷時冷布粗疎背  
裏傳嬌眼

又

涼棚

縛架參差鋪簾熨帖滿庭通翳玲瓏四面透入柳絲風細認分  
明停雲不流換教午景清于水最晚晴倏忽乍舒還捲一繩斜  
曳堪記陰陰地正雪藕冰瓜玉盃可擬連宵坐雨更訝江湖  
篷底早天涯催人夢歸夢尋老屋畫圖裏認門前黑壓松毛洗  
錢索涼醉



憶舊遊

秋寺

認紅牆、老柳白塔，頤陽尋到僧家。滿地蒼苔冷，恰清涼、世界鐘鼓無譁。石床要圓茶夢同證，木犀花訝，壞色偏明，黃分幾葉。吹上袈裟。天涯打包去，問瘦影誰來。月下門撾，爲愛經聲好，早鳴蛩相喚。幽徑穿斜，尙記飯分香積，滋味晚菰，誇贍鴨脚空廊。蕭蕭此際，歸暝鴉。

西子妝

題樊榭先生湖船錄後

霞水雙篙，星萍一棹，寫得烟波千古。曾向湧金門外，望湖風流慣。尋鷗語，新題舊譜，把花月都勾畱。佳總相宜道，銷金鍋子，并銷愁去。頻年誤阻，風中酒，帶我天涯路。如今圓合，西湖夢問。

吟逢美人遲暮，樽前試數已零落。游紅牕戶，響菰蒲，搖入孤山。

又

吳俗駕六柱船，飾以簾幔，羊燈照春鴨爐，張夕木瓜菜菔之屬。先時雜陳其名曰盪湖。復有打槳小娃，搵舟彼美，分眉寫黛，量髻安花，洵欲界之仙航，亦柔鄉之寶筏也。

篷棧籠紗，枕樓坐玉粧點，十分春滿。生來只解浮家好，盪烟波者般柔軟。回塘乍轉，看齊繞綠楊，停遍問東風，恁等閒識得情深難淺。尋烟慣不負鷗盟，肯把心盟換。水窗疎處，笑傳杯，酒秋痕半斜。嬌眼歸來，且緩最愁是酒闌人遠。漸羊燈隱隱已消對岸。



疏影

帆影

春江破凍看挂蒲遙泛輕影浮動樹底潛移烟底還迷閃閃乍  
過荒壠波心一片搖落處問帶去幾鷗殘夢驀渡頭掩却斜陽  
誤認隔溪雲擁偏又飛來遠浦似憐人別緒千里常共荻渚  
冥冥蘆花沉沉總被東風調弄寒添百尺晶屏上寫不盡天涯  
愁重到晚來倦倚船娘付與月陰微送

百字詠

酒帘

舊扶醉處正斜陽閃閃擡頭重見不定光陰圖畫裏搖曳一竿  
春軟紅樹旗亭綠楊城郭和雨和烟捲幾痕濃墨晚來疑帶鴉  
點聞道索價新高行沽何處拚脫簑衣換風雪模糊樓一角

多少梨雲吹滿歌板因緣奚囊情味消得花邊慣燕歸能認傍  
檐徐掠雙翦

青玉案

查篆仙觀察<sub>傳</sub>於揚州高旻寺見梅壑老人遺硯住持  
如長老知爲查氏故物遂以歸之觀察爲文記其顛末  
并系以詩余賦此調

江山畫遍餘殘墨定費盡蟾蜍淚乙卯幾時人許替斜陽荒塚  
斷雲一片未共梅花瘦敗蕉響颺禪廊碎喜來駐青絲騎小  
綠紅絲名字記摩挲遺澤因緣如夢證向袈裟地<sub>梅壑老人生年乙卯與香光同故自</sub>

天香

張芭堂<sub>燕昌</sub>所藏石綠一枚明隆慶年上有龍香御



墨四字

竹掃青霞九分紺雪氤氳如聚龍氣兔魄團圓犀紋密栗小篆  
故宮紅字蒼梧夢斷寫不了荒陵烟翠莫認傾來露掌銅花欲  
飛還賦 瑤窗四圍曉啟伴粧臺玉妃曾試漫數髻鴉染處省  
雲凝細只問纖眉學譜費素手勻調幾螺子賸付丹青斜陽遠  
冰

又

小香南館賦高麗紙

老爾裁冰穉魚灑雪蠻箋十樣新展練映書明銀搖扇冷珍重  
島鄉來遠苔痕疊碧認鵲綠春江會浣雲海清詞唱否芙蓉染  
香纖管 雞林問誰覓偏剖松花硯前吟慣冷髻暗窺還訝鏡  
開菱面待寄相思不斷放尺鯉波心畫鱗軟怕圻聯筒情長恨

瑞鶴仙

趙吳興私印拓本桂未谷 藏索題

細紋凝古翠苔花老賸得王孫名字圖書舊時記帳白蘋風裏  
難尋朱郎芝泥押紙似分來銅駝寒淚水晶宮遠問誰別恨紅  
洗向烟水 會對道場山色仲姬舊畔慣鈴眉史綠紗曲予催  
鷗夢已殘矣只鷺頭纖碧繭尾堆愁空留泥爪雪裏遜阿兄小  
篆風流水仙葉底

月邊嬌

宋綈絲月中攀桂圖集三硯齋賦

圈葉攢花繞鏡檻低邊蟾波凝注麝寒承袖金寒籠釧掩映五  
銖衫縷秋心聲碎料不怨美人遲暮尋來樹底怕潤下宣和釵



股 定是詠羅霓裳衆仙歸去更畱遺譜籠連鈿粟回環繡絡  
收拾許多風露嬌娥宛在且莫問瓊樓今古金針度否乞一枝  
分與

玲瓏四犯

藕心錢沈匏尊索賦

臂剖玲瓏繞四面銅花微沁苔暈折盡秋絲還惹買香人問  
記玉腕凝酥愛繫處一痕紅襯料佩來要乞宜男蓮子已通  
信 幾時根自淤泥奮算銖銖沈郎偏近方塘慣結同心夢  
裏逝波應省休要卜向天涯更惹辜芳餘恨待荷低苗且水  
面前身認

滿江紅

祕戲錢

長壽宜男數吉識曾經萬選誰更把陰陽巧鑄雨雲重鍊誓約  
怕同烏鰂墨迷藏不隔錢龍宴只君心難買殿西頭涼風換  
男女式何須判歡娛會何嫌短但蟲卷蘼烟天長地遠色相難  
空阿堵物畫圖又入菩提變笑有情榆莢蝶團團尋常見

天香

龍涎香

泊月槎橫浮烟路遠靈蓀採自瑤島半晌銷寒幾番候火小試  
那人纖爪微熏乍透漸折入簾絲徐裊被底纔醒殘醉依稀蜃  
腮燈悄 無端雨聲促曉映秦篝尙餘紅小不盡溫磨多向袖  
羅閒繞莫認巫雲易散但萬里珠宮夢誰到寄與心心書空一  
笑

又



龔壺

細屑紅泥圓瑯栗玉乳花凝注多少古色摩挲空密指點可惜  
搏沙人老酒醒擁被泥翠袖燈前斟情時候重逢穀雨春旗須  
試香早徐聽蚓吟鼎竅滄清泉落花風到滿腹烟山真味貯  
來應飽長日閒消箇裏定一枕茶天夢圓了好伴圖中蕭蕭石

龍水邨新畫坡  
金石錄圖見贈

八寶妝

題張芭堂

燕昌羽扇譜

一撲鮮雲滿懷晴雪展卷尙餘涼駐曾訪金婆門巷遠踏遍斜  
陽蕭路歸來飛夢月湖湖水明邊梳翎重識螺鬟女纔是合歡  
時節煩遮眉嫵休羨比翼多情最憐羽客年年淮海催去數  
歸信道伊應準怕歸自西風來處惹多少閒愁恁譜畫圖隔斷

秦鸞舞儘渺渺飛鴻橫空重寫張家賦

張九齡羽扇賦

合歡帶

蜀府扇

前身修竹墜空動搖處與涼通蜀紙麝煤新樣製鬪鸞環片月  
差同蒜絡垂圓椒囊繫小競渡剛逢儘窺人畫簾堪賽眼波斜  
趁玲瓏聚頭名好最關濃憑摺疊在懷中底恁秦鸞描不上  
帶巴山濕翠濛濛撲罷蚊帳招來蝶夢香壓肌鬆只泥金幾行  
字在怕教磨滅又西風

天香

薛鏡

對對分鸞團團鏤鵲藍波淬自茗水寶相圓成鉛華洗盡冷浸  
並頭菱蒂淨和粉拭攪一撲湖綿紅膩疑在水晶宮裏曾窺仲



姮眉翠 星星髻邊愁起展冰奩幾番疑思莫惹箇中花影悄  
彈鉛淚銘到宮娃小字賸不盡蟾蜍夜來意吉讖須聽懷中抱  
拾遺記魏文帝改宮人  
薛靈芸之名曰夜來

沁園春

閨中用素紙簿收置零星絨線等物杭俗謂之鍼線本  
張船山檢討問陶以東野詩有啟帖理鍼線非獨學裁

縫之句云當稱為鍼線帖作詩索和余製此詞答之

粉本猜伊乍合還開工夫最勤愛字無題處色絲鬪艷心能參  
到花樣翻新不語佯嗔欠伸小倦刀尺堆邊收拾頻年頭近其  
嬌兒放學半月嬉春逡巡幾度黃昏尚燈火和郎一卷親慣  
刺來丁倒迷藏鴛思繡成辛苦摺疊鸞紋碧唾粘殘紅尖蹴損  
紙薄愁將情共論憑精婢也匳中依樣偷學夫人

轆轤金井

詠走馬燈

漲烟飛欲送星蹄逐隊奔騰不少一片迷離向蟬紗圍繞簾深  
夜悄怕壁上觀來應笑幾許英雄明明滅滅冬烘頭惱平生  
壯懷漸老念五陵游歷空負年少陳迹團團歎磨驢潦倒山香  
插帽要鼓打太平新調盡洗弓兵騷輪迅捲月斜天曉

高陽臺

西瓜燈次金棕亭韻

碧映團圓冰雕細碎儘教箇裏生春暗射清輝分明冷月當門  
瓊壺紺唾都消盡賸蠟珠替墮啼痕定東陵五色迷離幻出前  
身休誇一片玲瓏影似連環卅字排就瓜仁細啖斜通已非  
隴上烟雲故侯種處誰重問只飄零螢火黃昏怕繁華易到瓜



期也替消魂

齊天樂

響竹

驅除一室談何易論功此君不少臙鼎紛投書帷空集正怪營  
營相惱先聲聽到似碎攪風梢助成秋早觸熱人來也愁塵狀  
共伊埽蕭蕭還更颯颯譜玲瓏散水都叶涼調麈尾旋拋松  
枝罷捉難得桃笙眠好連筒製巧颺空際絲絲肯容飛悄漸黃  
昏隔院重聞幾叢和雨開

金菊對芙蓉

瓦甌壺

蜂孔交攢蓮房倒挂玲瓏製出新雨正斜陽欲下自課僮僮滿  
貯井華涼淥浸就花邊來瀉天瓢青紅無數津莖潤葉一例勻  
澆替伊抱甌勞勞卑離根墻脚生意添饒訝買春前約茅屋  
重招糟床夢聽鄰家壓迸小槽滴滴珠跳山家清供瓶笙沸處  
同慰幽寥

瑤花

茉莉花籃

濃香解媚清艷含嬌簇盈盈涼露金絲細綰訝瓊壺冷浸清冰  
如許玲瓏四映問恁得相思盛平住已贏他纖翠裁筠消受美  
人憐取幾回盪著輕舸聽吳語呼時爭傍篷戶拾來素手愛  
袖底猶帶采香風趣斜陽漸晚看挂向粉輿歸去到夜闌斗帳  
橫陳夢醒蝶魂無據

解語花

咏橄欖花



將烟曳舞借燄分花重疊抽無數託根蘭柱前身換朶朶並頭  
嬌無餘愁怎訴只半响燈唇如語拚攪殘香膩銅盤蠟淚如紅  
雨宿醉憑伊解取記青青子好羅袖偷貯玉漿消去颺深宵  
閃閃熱中無主殘煤寸許料幽谷無人吟賦纔省知回味都無  
問此心灰否

天香

烟草

瑤草深耕瓊絲密縷烟霞散入人世吸似荷筒敲便石火領取  
炙餘風味朱櫻小破認朶朶蓮翻舌底閒趁銀缸未滅偎衾試  
銷寒意溫罍引人如醉慰孤愁翹生差擬翠點秋衫猶記唾  
花香膩百種相思欲寄奈化作巫雲又輕墜颺出紋簾合成心  
字

有正味齋詞集卷六目錄

錢塘 吳錫麒 聖徵

三影亭寫生譜中

沁園春

夢華錄載都人至除夜以酒糟塗竈門之上謂之醉司命曝書亭集中有醉司命辭余譜此闕

前調

京師上元以泥塗見則盡空其竈燃火于中光彩四射謂之火判近人多有詠之者

前調

牀婆子

前調

不倒翁

念奴嬌

金李用章有掃晴婦詩云卷袖褰裳手持帚挂回陰空便招手今俗于久雨後剪紙爲婦人手持一帚懸之簷下用以祈晴謂之掃晴娘是其遺也

齊天樂

八月十五夜都下人家皆祀鬼兒神雪藕冰瓜月波燈色令人如在瓊瑤世界因邀張瘦銅同賦此詞以當樂神之曲

三姝媚

縫窮婦

臺城路

姑蘇道中賦得漁婦曉妝作鏡

有正味齋詞集卷六目錄



沁園春

前調鼻

前調耳

前調齒

前調唇

前調舌

前調掌

前調乳

前調脇

前調脇

前調背

前調膝

前調愁

前調夢

前調立

前調睡

金蕉葉

天香

梅子黃時雨

尾犯

摸魚兒

玲瓏玉

摸魚兒

前調

滄州道中同年周鄭谷州牧餉滄酒

花糖

蠶豆

菱蒿

燕俗六月六日以藕苗為蓮餉客燕史謂之銀苗菜

蓼



前調

湘江靜

舟行小港中兩岸青蘆彌望蕭瑟無人水風間作撼撼然如聞秋聲也

水龍吟

秋蘆

一枝春

和李味莊觀察

惜紅衣

咏薑

鎖窗寒

緣陰

聲聲慢

紅葉和那綽堂

山亭宴

舟中賦黃葉

無悶

柳意

惜餘春慢

柳線

柳色黃

秋柳

玲瓏四犯

觀音柳

疎影

芭蕉

齊天樂

音韻錄

錢塘

吳錫麒

聖徵

沁園春

夢華錄載都人至除夜以酒樽塗竈門之上謂之醉司

命曝書亭集中有醉司命辭余譜此闕

爆竹喧空倒珮歌冠朝天去遲甚饒蕭索賣膠牙未已椒酒告

罄軟脚無辭樺燭花明和盆火壯絃語丁丁送有詞攬扶好要

先求利市來錫芽芽靈旗緩灑寒飈正嬌女銅童簇擁時看

迷離雲路神其醉止蒼鵲帝所回復中之賜謝無能妍思何益

但願糟邱分一卮願邊臨道請須聽我吟亦悲兒



湘江

水龍吟

一枝春

惜紅衣

鎖窗寒

聲聲慢

山

無

春

夜

寒

有正味齋詩集卷六

錢塘 吳錫麒 聖徵

三影亭寫生譜中

沁園春

夢華錄載都人至除夜以酒糟塗竈門之上謂之醉司  
命曝書亭集中有醉司命辭余譜此闕

爆竹喧空倒珮歌冠朝天去遲甚錫簫喚賣膠牙未已椒杯告  
醺軟脚無辭樺燭花明粃盆火旺絃語丁丁送有詞攬扶好要  
先求利市來錫茅茨 靈旗緩盪寒颼正嬌女銅童簇擁時看  
迷離雲路神其醉止膏騰帝所臣復中之煬謝無能媚思何益  
但願糟邱分一卮觚邊踞道詩須聽我跨亦憑兒

又



京師上元以泥塗鬼判盡空其竅燃火於中光彩四射  
謂之火判近人多有詠之者

蠢爾獐顏也借光明逞大神通漸呿張一口紅霞嚼爛搜牢衆  
竅赤舌燒空透頂蓬蓬熱中焰炙手今番意獨雄能火速甚  
五花判事有此威風形容黃胖差同道此腹膨亨不負公倚  
延爲上客何妨額欄用吾下策直欲心攻變相圖開談摩天在  
莫是劉鑾塑出工休相笑只與君頭惱一樣冬烘

園游人多取重  
土捏爲人形爾

又

### 牀婆子

山泉橫施誰司寢興三錢須澆想婆名春夢營騰許伴娘呼夜  
度遲近會遺魂約鴛鴦身爲蝴蝶指點迷途仗汝勞文催撰怕

葫蘆換了依樣難描招要蜜炬高燒早闔裏迎神羯鼓敲爲  
思神嗜好錫香果軟酬神笑語雪艷花嬌帳底雲行枕邊月落  
聽賦橫陳記那宵還私禱禱阿侯睡穩莫厭叨叨

又

### 不倒翁

莫笑龍鍾顛而不扶蹶然自興任幾番壓捺出頭須放十分挫  
切強項偏能老子婆娑是翁豐鑠隨意盤旋走不脛如人柳也  
三眠三起態度盈盈掀騰與世何爭訝封得泥丸抵死撐便  
空空此腹儘多消納團團對面故學逢迎何處難眠有時作劇  
拚得浮生紙樣輕驚一跌早虛空粉碎蛻去枯形

### 念奴嬌

金李用章有婦晴婦詩云卷袖褰裳手持帚挂向陰空



便招手今俗于久雨後剪紙爲婦人手持一帚懸之簷下用以祈晴謂之掃晴娘是其遺也

苔黏屐敗甚搖搖有此荒唐雲雨要仗擔承箕帚力暗把龍公攔住淨捲塵霾全驅霧陣報喜先鐘鼓披衣玉女一眉遙黛應妬偏是血色裙拖飄揚簷底疑送秋千去半晌柔荑裁翦出爲怕踏青期誤風鐸爭邀晴絲乍肯候到斜陽暮明燈新歲紫姑須共占汝

月令廣義吳俗謂正月旦早俱靈故於燈時備諸祠下至則能起臥以占事

### 齊天樂

八月十五夜都下人家皆祀兔兒神雪藕冰瓜月波燈色令人如在瓊瑤世界因邀張瘦銅損同賦此詞以當樂神之曲

大圓鏡裏游仙去年年扇雲頻換毛顥功名中山氏族莫笑衣

冠裝點燈前瞥見似斜向闌干悄窺人轉半晌迷離目成還在三樓畔殷勤誰共禮拜道兒童塗抹都竊柔翰老不中書歸無東郭賴有么蟾能伴踐踐走慣定穴鼻先通一輪香滿藥杵重聽送回涼夢遠

### 三姝媚

#### 縫窮婦

塵凝雙髻悄漸西風騷騷沿街來早也費裁縫道一般針線莫嫌潦草十指玲瓏曾小市琵琶彈好憔悴而今天吳紫鳳眼迷顛倒如此生涯堪笑但聽說明朝送窮應惱土銼糠燈料破瓊滋味不輸多少百結愁心偏舊夢牛衣人老漫想紅樓刀尺鴛鴦製巧

### 臺城路



姑蘇道中賦得漁婦曉粧波作鏡

開奩新淬青銅皎何人穉眸偷注轆軟凌波裙低接草倒浸一  
花能語鱗紋曉聚要刳取柔藍情添眉嫵照出盈盈者般瘦樣  
最憐汝不爭時世梳裏只苗香髻子斜綰鴉縷待帶紫青蕪  
絲漾碧錯認誰遣釵股空明似許問網結千絲幾時堪住悔被  
菱雲暗流春影去

沁園春

額

山意窺窗一抹嬌黃斜陽最宜念廣眉學譜半籠月影雙了未  
結金覆雲絲紉扇微遮晶屏易觸緊護貂茸冷不知粧成好愛  
紅綳低襯新裏頭時鬢鬢兩角靈犀甚尺宅居然要粉題記  
嬌兒點處會調朱水宮神呼到待扣書霓蟬小承綏梅輕墜瓣

描畫休教粉墨迷相思遠看幾痕低蹙怕誤春期荆楚歲時紀八月十四日民並以朱

水點兒頭額謂之天炙李賀詩青窠扣額呼宮神

又

鼻

雪雪誰知蘭氣潛通氤氲遠聞聽息調半晌靜將時驗聲飛雨  
樣清與喉分麝粉先堆袖羅慣擁鏡裏端詳分外親眉新畫早  
黛螺橫掃暈入山根通神喚汝心門甚斷處難防巧運斤只  
天香參到幽禪可證花枝顛去纖手煩輪拭汗開巾藏羞掩扇  
圖書鈎成半面春隣家話但歸來頻嚏定說前因逆雅鼻雪也出氣

一聲兩歌人疑其一聲存鼻

又

耳



一縷靈通陡觸心頭含聰可誇僂聽來鸛唱不煩鍼砭教成琴  
曲盡洗箏琶蟬鬢籠雲鳳釵倚月阿母跟前軟語加明璫綴認  
天穿節過翠珥添些窗紗夢醒啼鴉正淺暈香輪枕印斜愛  
青衣解意附時叮囑銀簪了事側處梳爬捻粉微勻垂貂小護  
便隔紅墻不怕遮春風情只小亭私就剗鞦防他

又

齒

小破燕脂相對粲然文犀不如憶漢宮卅六會誇賦口吳姬二  
八慣酒歌珠淨罷楊枝漱來花水學誦金經屢叩餘含毫久任  
墨痕涼沁偷學郎書吹噓蘭氣來徐道活斷新巢玉定輪愛  
笑時偏顰做成嫵媚病中微醺畫出清癯纖指輪銜香絨爛嚼  
伶例生來就似渠梅酸澁怕十分軟却春色都輸唐黃滔漢宮人誦  
洞簫賦三十六

宮之牙齒詎敢秦娥輟耕錄馮子振有題楊妃病齒  
圖歌清異錄婁師德善捧腹大笑人謂之齒牙春色

又

肩

賦罷洛神彼美堪憐生來總垂看輕雲裁就儘遮領下柔絲披  
著纔是雛時紅雨花交綠烟柳鞦削就天然瘦影齊莞相比笑  
回頭剛近不用量伊芳期春已先知漸杏子衫單栗起微到  
秋千立上出墻偏半流蘇承得顧鏡微羞小側穿簾輕凭上閣  
姊妹相呼左右隨吟郎句戲學他山字半晌還欹

又

臂

比玉分酥裹疊吳羅欲見偏慳問甚時瘦了微鬆條脫幾分倦  
後斜靠欄干撾鼓揎餘踏歌聯去月瀉清輝訝一般鈐香印歎



綢繆何日紅字都殘 無端割也盟難忘綵索翻能繫合歡每  
鴛鴦衾裏枕來常軟琵琶絃上倚處先彎無語空支多情試捉  
雪藕玲瓏兩袖間裁文錦只遮將一半慣忍春寒

又

掌

一片雲腴鉛露曾沾羅紋細生愛畱仙裙綉舞時難定走盤珠  
沾握處常明小拓弓彎背番蓮樣便是黃金鑄不成龜燈畔看  
合來無縫學誦真經 剛橫拍徧誰聽怕反覆如郎最不平恰  
停針無語幾回接到藏圖偶中一面攤呈教字頻書採花易碎  
帳裏香蚊簪有聲調粧粉要緊寫磨水不潤微聲楊先姑詞掌拓鞋  
背番蓮掌  
舞天麗

又

隱映蘭胎到破瓜時靈津暗催甚酥峰兩點偏教當面嬌嬰幾  
日便解投懷迸粉成珠凝脂作酌剝出雞頭殼裏胎輕羅抹認  
巫山對擘橫度雲來 綢繆半响還偎道乞向鄰孃口已開笑  
舊時藥裏瓊田曾賣者番泉脉玉實先回畫檻平齊 榴槽半隱  
簾上橫陳雪欲堆春塵起記為郎洗眼幾度曾指俗見至通口始  
孔謂之斷

乳則呼  
為賣田

又

膽

一點凝寒鏡裏高懸窺時最明縱鎮來綵索易生嬌顫喚回殘  
夢未了餘驚因怯常虛併愁成苦碎到心頭鉛淚傾燒香拜儘  
深深歷得纔表真盟 偏爭要共秋清蕩脉脉中池水一泓怕



盧亭私就花鈴陡觸空房獨自雨枕難聽畫板承跌危樓點屐  
伴起先人身屢生來小只詩邊酒次約畧縱橫高欲詠緣索叙符  
此今能鎮膽不

快臥空房淚出于膽見雲笈七籤黃庭經  
膽名中胆又膽者金之精水之氣其色青

又

腸

團扇歌來無限彎環含無限愁悵兩頭相結山都開水九回猶  
剩春亦成秋泥洒光陰阻風滋味欲斷還連情不休人千里歎  
鹿盧頻轉一寸難酬悠悠常抱溫柔更轉輾偷將詩緒搜漸  
化為冰雪藕絲徐引織成錦繡繭緒圓抽吟和鶯歡淚隨猿苦  
木石吳兒解得不黃昏近算除教三錢怎沃煩憂李詩行將泣團  
扇戚愁人腸韓

渥詩愁腸泥酒人千里  
又斷腸滋味阻風時

又

背

嬈嬈婷婷當面窺餘翩然轉身向樓心拜月俯時恰照簾旌曝  
日烘處先春人後猜人鏡中看鏡形影端詳認早真嗔生客但  
花間迴避恁躡芳塵逡巡陌上游頻乍汗濕紅衫透舊痕最  
香綳負穩嬌兒偏慣玉纖垂細小妹先輪癢即須抓冷誰與擁  
一片涼紋楚簟親情難訴只欠伸畫裏免賦懷人同訪有詩面  
欠伸美人圖

又

膝

輪相圓成藕覆低連偏宜促時愛盤龍新樣屈來金觀闕雞舊  
製蔽處花吹擁即成吟支教作枕曉夢多情未肯離苔階步便  
防他易軟斐索扶持柔荑過否誰知只舞後頻看大小垂記  
依牀曲局參禪孤坐和裙折疊拜月雙低半晌橫琴有時盛馬



骨立珊珊一對齊閒中好把佳兒抱置爲畫纖眉

溫庭筠詩曉夢未離金夾膝

又

愁

乍減歡容鎮日無言念情欲啼念鞦韆淺淺何時理得酒腸窄  
窄特地澆時心小能容眉纖慣惹幾度橫陳覓睡遲營騰裏又  
牡丹開了擔誤芳期追思南浦分離悵魚信銷沉兩莫知算  
量來萬斛恰如江水纖成千縷不減楊絲晚雨簾櫳夕陽樓角  
半是柔情半是癡芳名好待石城西下艇子問伊

又

夢

曲院無人款款飛時羅衣正溫任連環不斷月迷歸步秋千有  
約花引柔魂帆遠曾隨屏深慣度懊惱金釵墮枕根郎何處正

滿階如水獨自開門

逡巡難問前因似空際春風捲絮痕但

醒猶心苦未乾紅淚記還膽怯怕近簷認雨疑雲看朱成碧

蝴蝶分明是小身梅開也漫如伊縞袂覓到前村

山谷詩昨寄連環夢放翁詩巷陌秋

夢于

又

立

閃過斜陽獨自窗前無言暗窺甚青苔冷印攬身偏懶明蟾側  
注迴步翻遲拚到酸時不禁軟處扶住楊枝有所思東風起早  
落花如雪沒了鞋兒迷離半晌如癡豈真箇看雲鎖不移料  
鴛鴦密約比肩湊汝驚鸞偷學一足翹伊曲肱攔斜秋千板窄  
約畧春纖小露時游仙夢怕證來金格長侍瑤池

又



睡

三十種眠一樣膏騰偏宜箇人看  
偎從角枕斜欹釵玉帖來晶  
簾濃隨鬢雲眠倦低迷眉慵小  
歛醉頰濃酣斗帳春無端誤已  
遼東夢醒鶯語堪噉  
擣身略撥餘熏怎消息頻傳又欠伸只  
離愁萬縷惹伊反側沉香八尺稱  
汝橫陳獨子偷窺鸚哥罷喚  
雪壓環肥畫出真論滋味也黑甜鄉好有此溫磨

金焦葉

滄州道中同年周薌谷州牧

世榮

餉滄酒

驢臺去路東風緊吹帆外斜陽將隱  
故務千年落花飛處壚難  
認賊地晚寒恁忍  
雙餅忽送糟邱信待紅圻凍泥新印最宜  
名說東陽瘦得詩腰俊好配荻苗蘆笋

滄酒有特酒菊酒東陽酒諸名見天津志

天香

花糖

檀粟吹塵犀株灑雪餘芳亂撲晴晝  
露染鉛黃霜勻紺碧一杵  
廣寒聽後花飛釧動更惹起香生羅袖  
曾記紅簫喚賣相思杏  
園人瘦  
氤氳貯來偏久愛團圓印成纖手  
古本徐參悟到太  
屏禪否莫是涼蜂採了只一種秋糧  
釀先就怕裏分甘誤拋金

豆

梅子黃時雨

蠶豆

麥候秋清正涼雨一肩新綠先賣記  
隔隴花開雪痕烟外纔近  
三眠忙未了須添小食朝來採盈筐  
載萬顆碧珠梅豆差配  
堪愛都含翠  
蠶趁風爐火活炊共巢菜問煮繭餘香  
幾分猶在  
減盡桑陰殘莢老夕陽重約秋棚話  
踈籬挂冷蛾依舊如畫



一名蛾眉豆

尾犯

筍

餘花晚徑問烏衣來否翠尖新迸暗泥掀破今番占斷閒園盈  
頃禁人踏去早屐響籬根靜認天寒翠袖籠時嫩紅偏省纖影  
節物旋過燒茗配櫻厨味較勝早食單催點酒地先煨肯遲  
幽興試到深山聽只幾日鐸敲烟暝幾夕照老盡孫枝晚鞭挑  
向霜冷

摸魚兒

萸蒿

趁春江桃花水軟幾莖柔白催長詩家解說萸魚美恰好河豚  
新上縈細浪愛瘦節勻圓小借琅玕樣荒波寄賞共荻笋纖鬆

疏絲滑忽風味配村釀

西風憶最喜平田如掌尋烟蘆子來

仕翹翹葉脫秋陰外吹火柁樓曾傍新綠漲又嫩淪吳酸要待  
騷人餉春梓薦爽正飛絮飛花一肩市口冷雨打簷響

玲瓏玉

燕俗六月六日以藕苗爲菹餉客燕史謂之銀苗菜

單舸移波鏡奩裏憶采芙蓉酥消玉腕瘦餘尚剩春葱荷帶牽  
來細認共清堆冷碧柔截纖紅玲瓏知花間蓮信早通也配  
酸鹹味好惹鱸鄉前夢菰菜差同鬢已如絲恁銀絲未老西風  
何須冰瓜相對早筵上涼情泛酒小折秋筍怨昨夜覓同心全  
未識儂

摸魚兒

蓴



滿鷗波單烟拖雨涼絲平織千頃春洲不是西風怨歸夢早圓  
菱鏡撐短艇試宛轉寒來滑比么荷勝參差髻影乍窺到潭心  
生香不斷一碧澹相映調羹好幾匙酥融玉疑吳鹽配就清  
冷柁樓纖手垂虹路俊味酒邊重省牽舊恨只萬丈相思助汝  
鱸魚興斜陽送暝漸蓼岸紅時蘆碕白處釵股認誰贖

又

菱

啟晴奩鏡波圓滿搖花低淬鉛水斜陽幾棹鴛鴦外能稱采香  
人意羅襪底怕瘦入西風角褪脂細清歌又起看月軟烟平  
一繩橫界打漿露華裏湖濱好相見呼伊藕弟嘗來微沁冰  
齒分堆小剝青蕸雪歸夢六橋曾記重九矣好半折魚租半佐  
茱萸醉涼雲罨碎漸股老蟾蜍葉銷蝴蝶損了故灣翠

又

菱

颭西風釵莖小立一羣烟後來處年時港口和菱種生就紫盤  
擎露花可數記薄煖低烘開遍斜陽路芳洲又暮伴大芋高荷  
團團縐綠萬葉閑涼雨蓮歌罷采采兒童隔浦歸來盈斗堪  
煮青吭漸少孤蒲寂夢穩者時鷗鷺蛟女妬算多少真珠點點  
羅囊護秋燈酒戶乍剝出勻圓宮黃新褪點點認酥乳

湘江靜

舟行小港中兩岸青蘆彌望蕭寥無人水風間作撼撼  
然如聞秋聲也

十里疎青搖淺渚聽梢梢欲生風雨纔抽晚箭徐翻響葉問伊  
人何處際曉露華濃添蓬戶者番涼聚分明記得鷗邊鷺邊曾



相約共烟語 夢易醒船又去寄相思幾時折取蕭閒水外欵  
斜畫裏早離愁畱住渾未著秋花偏空際飛來秋句新詩許換  
遲他月底破糝絮被

水龍吟

秋蘆

夕陽又落江湖蕭蕭影壓沙鷗重短篷小泊一簷飛雪惱人愁  
共港窄全交橋欹不斷舊和烟種漸搖涼織暝雁飛纔下漁燈  
外枝微動渡口歸潮暗湧攪秋痕水風低弄波荒月冷笳聲  
初歇笛聲徐送折後稍低瘦餘葉脆但聞淒諷待涼花采了青  
羅被底結鱗鄉夢

一枝春

菜花和李味莊觀察 廷敬

接隴連村弄輝輝一路好春相引鷺兒蛻後便帶酒邊衫暈柔  
陰半掩更芳草半添青襯憑坐我田水聲中畫儘四圍香近  
還看柳綿成陣歎韶光倏忽桃花紅盡游蜂鬧晚待補者番風  
信袈裟舊影問曾否給孤重認愁故苑攬入斜陽是金是粉

惜紅衣

詠薑

畫裏移家吟邊坐雨病花曾買一棱苗肥筠簾恰低障秋風蜀  
道能幾度游仙來往回想烏菱紫芋聽同敲吳榜 爬沙蠚上  
良醞招邀山厨擣微響雛姬笑靨怎忍擘紅掌付與凍槽香漉  
待化辣雲相餉甚指尖齊斂疑對柳家新樣

鎖窗寒

綠陰



淺壓山腰深籠巷尾碧陰千樹濛濛密密番騰幾花明處映蒼  
苔餘寒未休隔簾又釀江南雨甚滿身冷翠低鬟微彈摘梅簪  
去延佇聽蟬語縱未到斜陽已成淒楚殘紅換了早是薰風  
庭宇認江邊烟耶水耶誤人望眼雲又暮問遮將一徑春歸恁  
禁秋來路

聲聲慢

紅葉和那繹堂彥成

一番醉夢幾日濃妝新從竹外班班便無花分經秋也作花寒  
尋芳已消舊恨放飛來蝴蝶都開丹青意只半  
顏有客停車愛看愛紅于二月霜水初乾碎剪胭脂西風纔  
是艱難新詩漫題十字早根邊蛩語吟殘飄零易得明年重擁  
綠鬟

山亭宴

舟中賦黃葉

酒人老去江波冷徧林亭都消深翠山額任勻塗只畧剩冶眉  
細細歸鴉來認寺門秋畫一片板橋詩意昨夜灑新霜瀉不盡  
銅盤淚打頭幾葉西風裏共疎花鬢邊爭麗偏到最濃時淡  
了斜陽十里天涯容易感飄零枉自戀青苔情味好伴著書身  
只小門深閉

無悶

柳意

疎不關秋擡碧暈黃纔寫濛濛幾處想未到清明宿愁難住已  
被先偷冷眼看過了章臺人來去晚寒陌上鵝兒淺蛻半和烟  
雨回顧舊時樹只一片銷凝帶春情緒映草色遙看有無頻



誤應是三眠未醒正夢入斜陽花邊路向鏡中低照香蛾大半  
歛時無語

惜餘春慢

柳線

宛轉拖青惺忪縈綠低處欲侵芳草風痕翦翦雨意縹緲拋過  
一梭鶯小回念消寒舊時刺繡光陰者般斜照只撩人春色相  
思十丈畫橋遮了無奈是攀折年年替伊離別金縷壓殘多  
少和烟紡絮帶暝搓絲愁把冶蛾催老爭得長亭短亭花樣新  
翻碧圓紅繞趁吳秧千頃京針簇簇僧衣縫曉

柳色黃

秋柳

減碧攬黃啼罷晚蟬涼雨初霽斜陽暗逗林梢幾筆白門秋意

山長水遠漸見十二樓頭依稀颺出青旗字誰料結同心有而  
今憔悴休擬停船古渡繫馬危堤挂節荒寺老盡絲絲只在  
一絲風裏烟寒月冷認取無雙清愁分明攔入眉峰底聽一曲  
鳥棲把離魂喚起

玲瓏四犯

觀音柳

吹出東風記白下門前烟樹曾數浣濯新姿侵曉尚含香露憑  
仗一縷慈心要綰結萬千情緒驀影邊擲過金梭還認故山鸚  
鵡自從飛絮沾泥住悔當時綺懷無據斜陽古寺蕭疎甚誰  
畫文殊眉嫵重乞陌上清陰好借行人遮護聽微微搖浪涼雨  
外潮音度

疎影



芭蕉

遮晴弄雨放幾莖大葉濃綠  
窗戶簾影深沉未到黃昏暗逗秋  
心如許流螢去照池塘外怕  
屢被扇羅梵住任月陰低覆欄杆  
有約那人私語偏是緘愁  
最苦歎題成字字難寫孤緒夢醒  
單衾香冷燈殘只難涼蛩交  
訴西風身世纔禁得早又要冬心  
將護賸矮牆一角離披可認  
雪來時否

齊天樂

菩薩索

已拼身世如枯葉涼蟬蛻餘  
堪悟非霧非花卽空卽色只向白  
毫分取絲難望汝任明月穿  
來了無尋處證到華嚴梵天衣共  
五銖數方空休更比擬便  
鮫綃織就徒費龍女巾字玲瓏冰  
文細碎吹透曼陀花雨通明  
似許儘坐我思惟本來無樹壞色

因緣半肩憑付與

錢塘 吳錫麒 聖徵

三影亭寫生譜下

賀新郎

孤山觀梅

鬲溪梅令

謝陳師竹贈紅梅花

東風第一枝

落梅

浣溪紗

題畫梅

憶瑤姬

水仙

長相思

王春波仿鳥目山人梨花烟圖在蘭圖同年題

掃花遊

隔水見小桃一枝妍媚可念

過秦樓

姚春府賦玫瑰花詩和者甚衆其詞之曰香冷參差遠此詞

卜算子

廿四日



不古齋詩集  
五  
過晴弄雨放幾莖大葉濃綠  
窗戶簾影深沉未到黃昏暗逗秋  
心如許流螢去照池塘外怕  
屢被扇羅攔住任月陰低覆欄杆  
有約那人私語偏是愁愁最苦  
歎題成字字難寫孤緒夢醒  
單衾香冷燈殘只難涼夢交  
新西風身世癡癡得早又要冬心  
將瘦臉矮牆一角離披可認雪來時否

齊天樂

菩薩蠻

已折身世如枯葉涼蟬蛩餘堪悟非霧非花即空即色只向白  
毫分取絲難望汝任明月穿來了無尋處證到華嚴梵天衣共  
五銖數方空休更比擬輕儇微細就從雲龍女出字玲瓏冰  
因緣半頁斷竹興  
不雨通明似許儘坐我思惟本來無樹壞色

有正味齋詞集卷七目錄

錢塘 吳錫麒 聖徵

三影亭寫生譜下

賀新郎

孤山觀梅

鬲溪梅令

謝陳師竹贈紅梅花

東風第一枝

落梅

浣溪紗

題畫梅

憶瑤姬

水仙

長相思

王春波仿鳥目山人梨花烟圖查蘭圃同年屬題

掃花遊

隔水見小桃一枝妍媚可念

過秦樓

姚春旂賦玫瑰花詩和者甚衆茲而題之曰紫香吟爲余述此調

水龍吟

杜鵑花



憶故人

湖上觀荷

雨中花

澄懷園雨中觀荷

水龍吟

白蓮

臨江仙

紅橋道中賦枯荷

滿江紅

沁園春

碧

簇水

菱花

水龍吟

漳南

賣花聲

題羅雨峯仿馬湘蘭畫

水龍吟

珠蘭

國香慢

紅蕙爲哀緩階賦

秋霽

牽牛花

思佳客

湖上看桂

念奴嬌

庭桂方盛冷雨連宵黃雪驟落可念

疎影

都下菊花以憫忠寺爲勝余購得數十本雜置几案間依燈就月光景徘徊詞以賞之

浣溪紗

湖上看芙蓉

花心動

蠟梅

一枝春

野花和味莊

臺城路

花魂四首次汪劍潭韻

長亭怨慢

寒鴉

解連環

孤雁

逍遙樂

鵝

百字令

鴈

臺城路

駱駝



雪獅兒

雪獅亭集中有雪獅兒貓詞三闋蓋和華亭錢葆劭作也吾杭樊榭尺  
鳥兩先生相繼有咏其擁護也富矣暇日戲仿其體復成四章凡諸家  
所有不引焉

齊天樂

蟬

綺羅香

螢

齊天樂

蛙

蝶戀花

桂未谷屬題兩峯書樓

花心動

蜻蛚

齊天樂

蟋蟀

前調

絲絳

桂枝香

銀魚

前調

蟹

惜黃花

看燈蟹

桂枝香

蛤蜊

三影亭鳥生譜

賀新郎

江山觀梅

傲雪今年早忍清寒  
棲棲健骨插來晴昊  
日落蒼苔暈似水穴  
我關于獨寐便影暗香疎  
都好老鶴夢回雲乍起  
現空亭四面  
化圍繞花缺處一峯峭  
幾生問汝修纔到更修到者家春屬  
以山偕老明月滿空瑤珞舞贏得先生一笑喜不奏茂陵遺稿  
數遍西湖三十里只此花此客千秋少尊可薦白蘋老

鬲溪梅令



齊天樂

綺羅香

齊天樂

蝶戀花

花心動

齊天樂

前調

桂枝香

卦卦香

有正味齋詞集卷七

錢塘

吳錫麒

聖徵

三影亭寫生譜小

賀新郎

山觀梅

破雪今年早忍清寒棱棱健骨插來晴昊日落蒼苔渾似水容  
我闌干獨靠便影暗香疎都好老鶴夢回雲乍起現空亭四面  
花園繞花缺處一峯峭幾生問汝修纔到更修到者家眷屬  
故山偕老明月滿空瑤珮舞贏得先生一笑喜不奏茂陵遺稿  
數遍西湖三十里只此花此客千秋少尊可薦白蘋毛

鬲溪梅令

謝陳師竹

寒孫

贈紅梅花



數椒暖破絳砂勻寄殷勤定是銷寒圖裏染來真隴頭無此春  
影橫斗帳又黃昏暗香溫夢到羅浮山下記前身月斜眠酒  
人

東風第一枝

落梅

驛館春深鈴齋客老玉烟吹墜亭圃問誰擊笛江城喚起薄陰  
萬樹游仙夢醒早一縷冰魂飛去最惱人枝上青禽猶對晚蟾  
孤語閒指點瘦痕橫處渾不似書橋前度賸教環珮歸來只  
是伴人醉舞妝銷半面料粉碎香癭難補待借他葉底微酸寫  
入雨簾新句

浣溪紗

題藍瑛畫梅

古社何人訪斷碑燈前重此見橫枝分明粉本馬和之  
臙許瘦金描舊格欠教白石寫新詞相思風雪段橋時

憶瑤姬

水仙

花也如仙在湘雲夢裏楚月簾前已和春共瘦更瘦餘香影別  
樣娟娟分排碧薤小破珠蓮對一枝可憐漸酒燈催上梅花外  
畱伴殘年道解珮未遠江邊恁招魂無語孤負吟箋王孫今  
老矣歎白描高格回首風烟晚來虛倚十三絃漸天空雪冷客  
去也腸斷魚波渺渺間

相思

王春波霽仿烏目山人梨花烟圃查蘭圃同年  
堂屬題雲一枝雪一枝憶殺東園寒食時月來人不知醒也迷夢也



迷酒暈纔消花又飛畫成春滿衣

掃花遊

隔水見小桃一枝妍媚可念

恨難銷處甚脈脈無言夕陽流水峭寒未已悵仙源隔斷小門  
深閉畫出燕支只在秋千影裏惹愁起待愁到減時那減紅淚  
前度闌更倚念立共鬟齊箇人千里染成鳳紙向烟波杳渺  
尺書曾寄漲滿春潮獨有歸來燕子憶花未剩天涯斷霞魚尾  
過秦樓

姚春漪賦玫瑰花詩和者甚衆彙而顏之曰紫香吟卷  
余述此調

花市分嬌馬腔移艷冉冉莫嫌開晚催殘小夢喚破餘寒賣向  
玉人樓畔剛是曉雨收時芳信年年夾衣新換待鬟絲攏罷甜

香一撲蝶魂應戀

消受得俊侶閒吟啼烟吹露筆底幾番

染櫻桃厨近柳絮簾清合配嫩茶輕點寫盡江南好春相對徘徊

休教絨怨付紫雲唱罷依約臉霞如見

玫瑰花一  
名徘徊花

水龍吟

杜鵑花

是在畢竟非花涓涓淚浸三更月梨雲散盡東風無主暗飄寒  
血草碧同愁篋斑比怨古懷難說待絃翻蜀國喚回遙夢燈簾  
外時明滅曾託春心萬疊怕春歸又隨春歇沉沉黯黯亂山  
紅處悄迷孤蝶躑躅因誰淒涼念汝未消幽魄早啼殘謝豹簷  
逢越女趁清明節

憶故人

湖上觀荷



一片清涼萬荷壓水青無縫白鷗迎出第三橋去就花間夢  
暗裏但憐香重怕催歸歌聲恁悠閒紅舸泣碧全湖夕陽休  
送

雨中花

澄懷園雨中觀荷

一霎開紅喧不了早身被冷香圍繞幾日承葉今番賜沐寵遇  
花應少移動瓊環聲悄悄漸萬柄颭風尤好潑水涼生浮烟  
碧極已有斜陽照

水龍吟

白蓮

水香何處尋來一痕澹月微茫綠亭亭瘦影銖衣暗曳鉛華淨  
洗小立烟迷相思露濕滿湖涼意漸牽芳人到菱歌唱罷渾不

信明璫倚掩映銀一十里倩西風綠羅扶起秋添水外惱人  
輕誤看花如水素藕思儂苦心憐子聚成清淚任雪鷗選夢夢  
回何在在行雲裏

臨江仙

紅橋道中賦枯荷

一片斜陽路碧雲老去寒滿荒波畫橋外無人唱到道歌消磨  
歎西風緊和紈扇卸了青羅思量著儘翠軟丁倒鴛夢如何  
嗟嗟無人古岸飛雨一霎潛過怕秋絲催老已自無多尋麼白  
空烟裏憑收拾去補漁簑開霜鏡漸瓊環零落還照山蛾

滿江紅

荷錢

喚汝錢錢經多少波掀浪簸纔選出勻圓萬箇藕心堪賽背面



有山齋詩集卷七  
縱橫紅字篆中央  
淠瀼青銅海但估量付與摸魚兒  
陂塘買團  
斜陽內零星簸東風外更年年勾引許多吟債花有定  
評君十貴地無私貨廉泉大待明朝一滴也甜時珠擎蓋

沁園春

碧筍

一舸搖紅唱荷葉杯  
臣請中之認飄蕭麈尾提惟長柄彎環象  
鼻飲卽深卮味苦心參波涼舌卷想像金莖露下時  
真佳酌早和香醞釀沁入詩脾  
斯時百罰奚辭況孔瀉玲瓏清更宜似  
糟林醉出細跳疎雨玉壺買處斜飈青旗袖捧風前盤擎月下  
細碧凝疑哥汝甕衣堪製定酒痕常在莫訝淋漓

夢水

菱花

闌住疎香一繩界處荒波窄  
暝烟低護淬鏡面圓紋平帖漸帶  
夜深風露淡浸全湖白尋夢去誤了幽蝶  
蕩短楫記聽到越歌唱罷又隔蒲吳歌接  
茗溪宛在畫十二羅裙摺似妬纖趺紅  
透漲滿深深葉憑偷覷孤鷺涼肩側

水龍吟

漳蘭

海天萬里清秋一帆吹入騷人夢  
蠻烟乍洗嶺雲未卸江南新種  
細觀苔衣嫩澆茶乳消炎清供向黃磁斗裏護花翦葉冰  
心在涼浮動辛苦年年培壅  
劇春芽帶泥分送姿生韻外香  
畱笑裏故人情重榕驛光陰荔鄉滋味漫催塵鞞寄相思異地  
滿空風露聽瑤琴弄

賣花聲



題羅兩峯仿馬湘蘭畫蘭

烟雨滿汀洲香草誰收殘煤替寫秣陵秋馬四娘家何處是金粉添愁名士在揚州也擅風流可憐辛苦學雙鈎名署花之花尚在白了僧頭兩峯自號花之寺僧

水龍吟

珠蘭

麝塵冉冉新秋散來十斛量珠手蟬紗靜掩蠻絲細裊幾分香逗蜂冷吹黃鮫愁灑碧露華低綴伴闌干眉月乍濃還淡涼波浸疑無有道是含苞未透到開時疎痕依舊搖花瑟瑟曾無花意自成清瘦名片回甘爐熏送煖一般消受愛晚簾翳去釵翹顛影共明璫溜

國香慢

紅蕙爲袁綬階廷構賦

空谷苔荒歎樹來百晦都染烟霜誰經莫釐峯下重訪遺香漫道施朱太艷怕瑤佩冷了瀟湘相思見顏色點染微波暈人斜陽素心依舊好更丹誠輸與箇裏春長珊瑚堪架何日彩筆分將不是臙脂爭買賺時眼賞到幽芳騷人賦新就一朵初來雲想衣裳

秋霽

牽牛花

深淺浮涼看裊向筠枝秀蔓凌亂烟洗輕綃露分宿淚尙帶弄梭幽怨晚陰庭院料應識得黃姑面月影轉時有唾花吹碧玉壺淺還又小步緩逐流螢悄來花間風葉交顛盼玲瓏疎籬曉色銀河清淺尙情戀休悵午晴容易捲愛短橋外只是滴翠



搖青聽延秋紡一蛩吟遠

思佳客

湖上看桂

黃雪空山容易催訪秋趁曉踏蒼苔露無聲墜花先濕風在空  
行香已來仙路引梵宮開廣寒無此好樓臺闌干多是前人  
倚金粉斜陽看幾回

念奴嬌

庭桂方盛冷雨連宵黃雪霏霏零落可念

作去成淒楚正小山詞客初歸吟舸夢裏亭亭丹白想又被簷  
聲驚破慘入苔根飛和露脚金粉闌邊浣前身月裏一眉愁被  
烟鎖勞伊招隱篇成扶疎樹底那得幽人坐涼霰滿庭秋又  
老賸有白雲畱我洗琰延遲翦燈聽早漫數張家課

張約齋桂隱百  
課見武林舊事

禪機應省木樨香已吹過

疎影

都下菊花以憫忠寺爲勝余購得數十本雜置几案間  
依燈就月光景徘徊詞以賞之

疎香暗逗向袈裟初地粧點重九分到紋牕小隱紗厨消盡尋  
常美酒伴我無絃琴趣外淡極問誰能偶任帽簷側處斜簪獨  
向西風搔首休悵故園千里但相對持螯風趣還又淺醉膏  
鵬臥看涼花欲與南山爭秀么蟾送影渾如畫畫不就滿屏秋  
瘦待下簾重覓冰梭還待翦燈時候

浣溪紗

湖上看芙蓉

粉本黃筌活脫描西風占斷好溪橋鷺鷥香裏一肩翹冷艷



不禁窺水瘦醉痕生怕受霜消夕陽采采趁歸橈

花心動

蠟梅

風雪殘年望江南飛來麴塵如此月上淡黃斜壓苔枝只辨幾  
分香意故山無處尋么鳳更休認繁珠曾綴但爭得藏嬌屋住  
夢雲飛墜總是檀心蜜帶偏梵磬圓時小唇堪比烟暈水邊  
酒暈燈邊過了晚寒天氣壽陽粧儘翻官樣料應悟橫陳滋味  
待涼雨梅丸熟時試比

枝春

野花和味莊

白白紅紅道憐伊怎莫喚伊名字拖筇繫榜看遍夕陽村裏蓬  
茅夢冷歎一樣美人身世多謝是蜂蝶頻來畫出幾叢憔悴

閒隨綠蕪青齊算年年開落都饒生意朱欄繡檻怕也綠陰能  
替柴門笑語任村女亂簪高髻還勝似唱賣春風半肩巷尾  
臺城路

花魂次汪劍潭端光韻

曉雲不鎖晴紅夢飛飛綠陰濃處小住畱香幽尋入幻一片潛  
迷苔蘚東風激楚漸酒醒羅浮微聞膩語薄命因緣者番寒食  
同誰主空階時更凝佇縱相思覓著難共春訴恨斷烟中情  
銷雨外誤汝休嫌萍絮韶光老去料飄泊生涯分歸塵土明月  
何來那人深院宇

又

前題

是誰露葉風枝外和香喚回吟紙影弱旋離情濃未醒蹴起烏



衣雙尾芳華捻指笑欲去還招在勞癡婢化作巫雲前身都聽  
逐流水 相思翻自此始算樓頭陌上來往堪擬十尺朱幡幾  
分斜照倩女同盟生死傷心句裏道蛻盡胭脂怎拋青子兩黑  
燈昏杜鵑啼未止

又

前題

游仙去去尋蝴蝶相逢共談離索悟徹塵根拋除宿蒂一任花  
開花落三生舊約漸杳雨都消梨雲安著色相先空肯沾泥水  
被禪縛 餘寒偏又漠漠歎光陰可戀春也非昨碧落何期紅  
顏此度問到情波難泊燒燈小閣照殘睡沉沉算伊棲託灰盡  
緋衫夢香畱枕角

又

前題

長直房別回頭露華零亂酒冷澆遲苔荒曉早暗被游  
絲穿羅袖餘半面甚聽了金鈴又添嬌顫昨夜天涯黯然水驛  
與山縣 良時休付浩歎尙情難割處香影縈絆霧裏迷藏風  
前捉搦春色畱伊嘗偏紅愁碧怨賸一縷靈緣畫圖重見環珮  
誰聞滿天飛雨片

長亭怨慢

寒鴉

問何事鴉兒鴉女撲雪偎烟冷喧高樹踏遍枯枝半林殘葉墜  
如雨翠鬟勻染看陣陣和雲去日影滿昭陽怎不怕玉顏相妬  
凝住繞叢祠軋軋亂著墨痕無數荒陂野水只寒月照伊棲  
處記破曉幾點蒼茫倩誰寫蒼山行旅偏醒枕愁聽啼徹紋窗



難曙

解連環

孤雁

斷烟零雨寫離情一點影沉天宇漸晚來燈暗長門和落葉荒涼悄移柔艣覓覓尋尋念昨夜蘆花深處嘆關山路杳剗地風吹頓折箏柱蕭條獨依遠渚正背壓吳霜欲飛還住聽幾番喚弟呼奴惱千里相思夢醒無據爪印年年料不是雪泥畱住到歸時雲水蒼茫者情更苦

逍遙樂

驚

遙趁柳花波軟蛻出新黃惟有酒人堪伴浴浦雛雛舞日翩翻獨倚欄干頻翫一痕雲浣怕丹青欠寫茜香易迷溪絹合讓與

山陰妙墨先換爭得么荷新展鏡中偷來側眼前村漸斜照芳草外更相見清饒笑太守紅掌雨雙空羨還愁雪翎推易涼生秋扇

百字令

鴨

桃花開了漸春江煖處饒伊先覺綠染千頭渾不辨透出幾重晶箔唧唧呼名唧唧逐隊小占烟波樂闌干放鬪竹枝弓且休拓空記浴罷蘭湯紅裙笑裏誰踐年時約夕照柴門歸陣晚水口一篙斜掠繡引灘長睡支爐穩脉脉平生託僧廊黃靠幾株還認卑脚

臺城路

駱駝



休猜馬背如何腫形容似渠堪數老衲參禪野人種樹更有零  
丁尋父涼沙過雨看五五三三柳陰閒住古錦模糊放晴天氣  
夕陽度 聲聲吹動戍笛惹酸嘶暗答關塞催暮軟步蹣跚奇  
峯突兀人影閃來高處黃金鑄汝待酒熟蒲桃一尊濃貯醉捻  
鞭絲夜深駛夢去

### 雪獅兒

曝書亭集中有雪獅兒貓詞三闕益和華亭錢葆汾作  
也吾杭樊榭尺鳬兩先生相繼有詠其慵懶也富矣暇  
日戲仿其體復成四章凡諸家所有不引焉

女奴癡小看蜂蹴果東風時候相對瑤姬眼底金波微溜紅  
綴舌悄避入畫裙前後生怕是辛苦三眠蠶簾廝守 但要  
毛長就傍臨安朱戶那愁消瘦醉醒膏騰約畧香生纖口花陰

坐久怕損了沿階苔繡娛永晝結伴鄰家閒走

采蘭雜志貓名女奴書畫見聞錄明宣宗宮猫

圖猫七頭峰二落果三猫看峰蹴果物理小識猫自香來者有金眼銀眼有一金一銀者會幾  
乞猫請江茗吳鹽雪不如更令女手添紅縵小詩卻欠浩翁句為問衛蟬曉得無東皋雜錄  
時村人蓄猫驅鼠謂之蠶猫咸淳臨安志都人蓄猫長毛白色者名猫猫益不捕之猫徒以觀  
美特見貴愛劉子亨詩口角風來薄荷香綠陰庭院醉斜陽任鈔詩睡損苔斑日影移相猫法  
關長著走家

又

### 前題

宛然飛白荷塘浴後輕衣雪浣穩臥斜陽莫道真如我嬾雲鄉  
夢轉嘆一枕游仙都幻憑風雨化龍歸去肯隨雞犬 翻笑江  
心紙剪甚金山繞去更增雄健卜日攜來贏得頭銜先換銅花  
祕玩料慣惹無魚嬌怨重相見待報杏林春宴

水墨猫飛白野獲編六月六日婦女皆以是日沐髮至于猫犬之屬亦俾浴于河解縉題宋徽  
宗畫猫詩仙籙從教滿不床花陰睡覺赴雲鄉稽神錄唐道義家夏日大雨其所蓄猫戲水於  
簷簷下忽爾雷電化為龍而去元好問仙猫洞詩同向仙家祇丹鼎不隨雞犬上青天鳥獸續  
考北人常云猫過金山則不捕鼠厭者翦一紙猫投水中則忌程史市猫于鄰卜日而致之



鈞廊偶筆明大內貓犬皆有官名食俸在園雜志明內官家飼貓之器用上號銅質今宣爐內有名貓食盆者是也續墨客揮犀龔昇仲自言其祖紀與族人同應進士舉其家眾妖競作家有一貓指謂女巫徐姥曰吾家百物皆為異不為異者惟此貓耳於是貓忽人立拱手曰不敢姓大驚數日健音至

又

前題

一肩香軟移來畫裏無多家具小樣麒麟對客幾番稱汝妝臺  
慣住莫便把燕支勻注還畱待滴粉如霜寫他眉嫵除卻宣  
和舊譜笑外間依樣幾人堪數兩點危星照安身高樹清琴  
罷鼓問卷軸倩誰牢護聽兒女布被蒙頭學取劉後村跋楊通老移居  
詩林希逸作陸游詩然對客但稱貓在園雜志猶有染色大紅者耳談嘉靖中禁中有貓微青色惟雙眉瑩潔善伺上意名曰霜眉後死救焚萬歲山陰碑曰虬龍冢古諺依樣畫貓兒蘇文忠畫貓自題云相傳危危日畫貓能辟鼠湖湘野錄真淨和尚風穴頌曰五白貓兒爪距寧養米堂上絕蟲行分明上樹安身法切莫遺言許外甥孔叢子孔子鼓琴閑子聞有幽憂之聲日何感若是孔子曰是也見貓方捕鼠欲其得之故為之音也蔡天啟名貓詩腐儒惟黃卷乞取衙蟬為護持龔謝飢鼠詩癡兒計拙真可笑布被蒙頭學貓叫

前題

問西來意蓮花世界同看經藏撒講僧歸細聽禪關敲響伊蒲  
供養那用覓魚苗分餉憑飽去捺天四脚葡萄茵上休弄紅  
絲標杖便粉鼻呼來已空情障圓滿三生舊事廬州誰訪芙蓉  
錦浪道只有好秋堪賞開菊釀重對絲糕無恙黃山志貓石在蓮花洞內典猶自西方來佛令守藏經者七修類稿杭州如詩僧畜一貓每出誦經則以鎖匙付之及回時門猶乃街  
是山洞交主也鄭德源香山貓食粥詩料是伊蒲三昧熟不知饒勝訴無魚入蜀記過楊雄飲  
舊巨魚欲覓小魚飼貓不可得元好問詩但教殺鼠如邱了四脚捺天一任渠江南野史曹翰  
以謂之放翁集有粉鼻詩注錄名也後山叢談廬州有坐化貓書諸書有芙蓉貓圖陸游詩絲糕上菊初黃

齊天樂

蟬

翠雲不鎖游仙夢年年蛻餘催喚露額垂綏冰釧刻髻愛抱柳  
枝微顫絲風送緩暑一縷殘聲又過鄰院不定驚魂惹教涼韻



指間換 深窗愁更落葉漸吟蛩暗替身世如幻碎雨槐邊頻  
陽竹裏訴盡故宮幽怨秋陰滿苑便畫到銖衣也增淒惋似磬  
飛來踏莎山寺晚

綺羅香

螢

纖尾拖黃輕翎搖綠晚涼人在庭院剗地風生颺出一痕如綫  
漸星星豆葉籬根驀閃閃藕花池面明現恰更闌片黑涼燈新  
翦 漢殿銅仙都換問影浣鉛波淒涼誰管照淚長門舊恨那  
禁秋扇已分隄斷薛零苔怎窺到相思紅篆撩亂牋繁華一夢  
蕭蕭隋苑

齊天樂

蛙

緣陂紫遍荷花草爭跳活東無數絮影烟迷苔根水長欲問箇  
私難據喧呼聽汝乍闌荇翻萍釣船來路閣閣連宵黃梅時節  
一燈雨 膨亨空負此腹想池塘鬪罷猶蓄餘怒兩部風行千  
村月落莎際坐傳更鼓催耕又苦記稻葉涼邊吠聲如許瘦笑  
詩人食卑曾點否

蝶戀花

桂未谷馥屬題兩峯畫蝶

金粉六朝衣未褪春去春來只帶斜陽恨綠到淒迷寒恁忍落  
花爭向裙腰認 借與麝煤添筆潤可似輕純撲著和香印夢  
裏江南歸定穩紫荷草長飛成陣

花心動

蜻蜓



溪外風輕移涼影一路斜陽遮黑點水有痕飲露無聲欸欸不  
離香側折枝花底春能瘦描新樣淡金顏色問相戴飛來意穩  
幾時曾識釣後柔絲慣立任尾蘸萍根翠梢微濕還向鬢邊  
一翦掠雲不怕袖羅承得並頭前夜銀釭語搖珠暈眼波同碧  
尋沙岸重待暝愁細織

齊天樂

蟋蟀

蒼苔難洗年年怨宵來暗聞秋語古甃梧桐女墻薜荔併作一  
番淒楚疎風碎雨問芳草王孫總憐遲暮影催寒幾絲愁到  
舊機杼呼燈頻向廊外正香生茉莉來按吟譜嶺亂荒烟堂  
窗夕照北鳥西湖誰主欄干罷訴認菊葉垂邊夢搖涼露刀尺  
聲逐夜添人意苦

絡緯

一聲響續縑車發斜陽乍催秋晚豆架花垂瓜棚蔓絡風露憑  
伊吟遍宵長韻短料織就情絲也應淒斷醒枕三更幾痕愁向  
鬢邊換樓頭無限慘切惹流黃機上中婦頻嘆翠股敲烟涼  
鬚曳雨忍道深閨都嬾餘音乍轉似說與風詩綠衣幽怨譜入  
哀絃夜闌燈更剪

桂枝香

銀魚

芹芽新長乍密密疎疎來乘春漲難避千絲細雜落花粘網天  
然二寸輕跳雪正斜風亂鳴漁榜倩描粉本點晴堪認者般纖  
樣只合作針芒想像笑稚子敲餘空釣寒浪雨後烟邊誰向



舵樓分餉水晶名字須鹽配最相思櫻桃湖上夕陽曬徧和羹  
滋味夢回吳槩二瓶湖一  
名櫻桃湖

又

蟹

空江月黑訝譜到爬沙玉絲淩急冷入漁汀帶露幾燈紅滴吳  
淞一幅描難就暗招來落潮風色更無人處銜蘆索索亂搖涼  
雪早催動西風信息惹多少相思無腸貯得悵望樹頭纖爪  
故人新別尊前早萊閒風味最難忘踏燈時節買春重醉江湖  
舊譜老饕能說

惜黃花

看燈蟹

秋燈曾照瘦扶寒夢訝相逢又春風賞燈筵早酒外擘香臍樣

比金盞小問買夜何人籠到橙齋徐拙糟邱堪老縱無腸也  
難忘瀟湖香稻元夜雪深深預報豐登好聽一曲爬沙新調

桂枝香

蛤蜊

西風野水送一臺山雀都消纖毳影落斜陽占了鱸鄉十里隔  
泥人在涼烟外帶青萍兩竿收起連天菰葉橫塘舊路夢回重  
記記會識瞻兒滋味但解得清饒不知許事怡聽隔牆低喚  
賣來江市青帘有約春宵話試微鮮最宜殘醉嫩黃新漉酒燈  
上候價休嫌貴

蝶戀花

題盧竹圃小照



又

合出

韓志誠歸者節示文書采采賁輝豐登致離一而與少謀隨

錢塘吳錫麒聖徵

滿江紅

渡黃河

思佳客

涿州

金縷曲

虎邱

滿江紅

五人墓

前調

姑蘇年日

揚州慢

懷古

滿江紅

題羅兩峯鬼趣圖一首

蝶戀花

題盧竹園小照

賀新涼

中元節觀玉蘭盆會

自正永齋詞義卷八目錄



齊天樂

題施藕堂侍御豆棚閒話

前調

再題紅衣釣師圖

金縷曲

題蔣心餘先生臨川夢院本

前調

同沈梅村夜飲感懷胡竹垞

滿江紅

同人步出郭外飲村舍而歸

水調歌頭

滌汴河

南鄉子

桃源

滿江紅

乙巳暮春重過揚州作

摸魚兒

不到西湖八年矣山水相逢彌增感慨醉歌此曲以寫余懷

賀新涼

揚子江阻風

百字謠

陳伯恭同年屬題迦陵先生填詞圖

滿江紅

朱春橋舊有觀演邯鄲夢詞一闕今刻在小長蘆漁唱中余在都下偶閱是劇即用其詞賦寄春橋

前調

題書

金縷曲

楊丈視雨歿五年矣令嗣時梅檢遺書中得枯樹一檉尚未斂染屬陳

前調

沈梅村洗硯圖

百字謠

夜宿清河大風

過秦樓

懷柔道中

無悶

出古北口

珍珠簾

懷河大雪

瑞鶴仙

羅漢峯

尉遲杯

月夜同宋芝山飲郭夢

送入我門來

戊申除夕

滿江紅

觀射

前調

河春渚以書來問近狀賦此答之

河春渚以書來問近狀賦此答之



百字令

登天津望海樓

滿江紅

長田村觀蠶花戲

沁園春

題查蘭圃同年月影扇頭

永調歌頭

題友人學稼圖

瑞鶴仙

七夕

賀新涼

五十生日有感

前調

題家山尊孝廉南樓即扇圖即送其之山左

大江東去

西湖蘇公祠落成同人分體賦詩余用公舊韻謹此

賀新涼

題譚子受吹簫乞食圖

壺中天

題舍弟錫藩石門聽瀑圖

金縷曲

張東舍以二端溪硯贈范支山同年并繪贈硯圖以紀其事今東舍歿矣支山讀書懷人有感今昔索余為此詞以述之余將北行自顧生平不能硯耕以老饒野奔走悵悵於懷也

有正五福降中天

查蘭圃夙耽神悅以家慶圖屬題戲為拈此

金縷曲

題楊米人通守觀津新雨園

前

翁覃溪前輩摹文信國與吳架閣三札架閣裔孫蘭雪孝廉屬題

前調

方正學先生畫松今在胡雪蕉水部處

前調

高忠憲公畫像

沁園春

萬廉山明府年十五時曾乞羅雨峯為畫兩綬圖今幾二十載矣廉山王于領鄉薦兩上春宮不第入楚從軍頗著奇績繼部平以議敘得官縣令壬戌春過吳下酒酣話舊感慨及之屬為題此

鑄成如帶誓

心與腹投醪結清與濁投膠別喜波關不也桃花春色一片迷

帆香象渡中間圓潤神魚折供書生五斗坐船頭蒲荷碧

思佳客

涿州



縣令王汝恭殿與不韻順黃書為神又之為感此

園春

王于給縣蘇雨土資官人發資市感音有蘇蘇時不以蘇蘇官  
清鎮山即鎮平十正都官之蘇雨筆畫畫而蘇圖今幾二十河定蘇山

前贈

高忠憲公書

前贈

式五學士書畫外今在附善水時與

前贈

發蘇蘇前畫草文計圖與吳聚閣三休宋閣清蘇南畫筆蘇蘇

金燕曲

眼歌米人眼對勝對派中閣

王中

王中閣風浪歌以宋恩圖恩恩恩恩

有正味齋詞集卷八

錢塘 吳錫麒 聖徵

鐵撿餘音

滿江紅

渡黃河

滾滾黃河繞底柱一支而入經千古龍愁鼉憤可憐陳迹鐵券  
鑄成如帶誓金隄費盡防秋策讓君平縹緲說神仙支機石  
心與腹投醪結清與濁投膠別喜波瀾不起桃花春色一片健  
帆香象渡中間圓潤神魚折供書生五斗坐船頭蒲萄碧

思佳客

涿州

麥郵茸茸綠未齊田家二月放春時十郎冢畔鳴腰鼓三義祠

有正味齋詞集卷八



邊唱竹枝 寒脫樹雪融泥晚來晴色鳳池西么蟾瘦到難描  
處也學文殊淺淺眉

金縷曲

虎邱

虎氣潛珠阜贖千年槎枒石骨踞風而吼其下縱橫森積鐵一  
劍蛟龍欲鬪待說興亡時候畢竟青山誰是主只宮苑鹿  
分先後歌白紵試回首至今喚作繁華數有幾處紅船弄水  
黛蛾傳酒三尺斜碑殘照落搖到真娘墓口看芳草羅裙依舊  
風雨黃昏山鬼泣苦秋聲先撼梧桐瘦西子恨更添否

滿江紅

五人墓

聽白楊風似雷市中呼嘯灑不盡滿腔熱血亂生碧草殺魄

英英三代直鼠聲啾啾羣奴小響寒沙博浪一椎鳴全秦婦

委鬼也冰山倒茄花也秋風槁望白蓮涇畔听然而笑屠者共

尋朱亥里義聲不讓田橫島感行人四字耀豐碑斜陽照

蓮涇畔  
墓六里

周處介  
墳在白

又

姑蘇午日

佩艾簪蒲笑兒女者番奇服費多少同心綰結命何能續往事  
總如炊黍過今人那不離騷讀只年年風景數端陽傾醺醪  
嚴陵會江亭築長安節蘭湯浴又金閭勝地旌旗照目臺上不  
逢麋鹿走波心但見魚龍逐嘆招魂無分到靈胥驚潮蹴

揚州慢

廣陵懷古



銅輦秋衾錦帆春水可憐幾日繁華送斜陽一片直到玉鉤斜  
竟圓合雷塘舊夢兩家山鬼同話天涯惹些些碎碎涼螢來認  
衣紗李花又落況楊花飄泊誰嗟料種不成陰吹原是絮愁  
見瓊花早識安公子曲亡國恨怎到琵琶牆隄前老樹都應啼  
煞棲鴉

滿江紅

題羅兩峯鵝趣圖

索索而來暮吹得燈光如豆應怪爾青紅塗抹鬼都生肘滿載  
一車藍縷選空餘兩隻錢刀手捲陰山幾陣紙灰風無生有  
書生狀騎狎走女郎態描蛾瘦數美人名士幾堪回首地獄本  
來隨相變面皮尚記觀河鰲有十方香米飽伊無中元候

前題

跛腳蒙頭是五趣中間來者但散入閻浮提裏那分高下結柳  
會勞韓子送移書屢被東方罵奈今番咄咄逼人何兒童怕  
青荷傘肩頭亞白楊火風中炮又零丁帖子招魂纔罷枯蒲難  
充黃父飯長身逃得鍾葵鮮被先生碧眼一雙圓淋漓寫

蝶戀花

題盧竹圃小照

赤日此中渾不漏跣足科頭獨坐宜清晝俗已全無肥則否花  
豬頓頓須醫瘦太歲明年聞遇西預卜豐年長養琅玕就拓  
取侯封千戶舊一尊來乞平安酒

賀新涼

中元節觀盂蘭盆會作



舊帽金花帖掣圓鈴郎當而語滿街明月大會無遮今夕好點  
點明燈欲滴更唱出酸文嗚咽故鬼漫驚新鬼大捲紙灰和影  
如蝴蝶入世夢共淒絕西風纔過穿針節記中庭冰瓜雪藕  
夜分曾設人哭人歌逢此月忙殺生離死別漸庫庫新涼侵骨  
燐火一場僧去早賸波心獺傘沈荷葉功德水似烟滅

齊天樂

題施耦堂侍御

學瀛

豆棚閒話圖

有耕而釣而樵者先生自居爲圃大扇電鞋科頭袒臂招集閒  
鷗三五花介樹古總攔入吾廬一棚風露豆莢纔肥薦新隨意  
井華煮其中或吟或謔或酸然說鬼颯然談虎一半兒歌三  
家村語更雜琵琶盲女相忘爾汝任衣絡青蟲夜涼如雨有約  
休歸待歸頻夜半

又

再題紅衣釣師圖

緋衣算是人間貴誰能貴于漁子風月無邊江山自在笑盡尋  
常朱紫閒情料理且大酒肥魚煮來船尾身似楓人一秋常傍  
夕陽醉珊瑚竿也慣把也會踏金鰲會跨紅鯉鏡冷芙蓉船  
停罨畫不道老之將至殘霞樹底看孤鷺飛飛與盟流水悔殺  
蘆花白頭烟雨裏

金縷曲

題蔣心餘先生臨川夢院本

萬事飄如絮驀吹來先生筆底夢都堪據不怕殘鐘輕打破機  
上穿成縷縷莫認作荒唐雲雨一段因緣文字起續離騷半部  
精魂語真共幻論千古宛然玉茗花前句試喚起臨川點拍



也應心許三十種眠全解脫纔識菩提覺路引蝴蝶翩翩而舞  
世上儘饒睡漢問何人許入梨園譜纔讀罷夜三鼓

又

同沈梅村夜飲感懷胡竹城

應煌

十斛梨花凍道今朝燒燈捉醉飲真須痛獨出蒙輪當一隊不  
怕鄒和魯聞忽聽到析聲淒動落葉滿窗斜月黑有故人吹入  
天涯夢浮太白舊曾共幾年慘抱西州痛尚孤負杜鵑寒食  
紙錢相送數到習家池上客中壽爾偏木拱莫化了陶家新甕  
酒醒兩人同不寐恨白楊窗外誰家種風颯颯答愁諷

滿江紅

同人步出郭外飲村舍而歸

子好游乎吾與子且言游意念策杖乘堅而出何如芒履背負

大瓢歌哨遍路穿方畝看田戲有野雲一片就鷗眠呼之起  
西風冷斜陽霽二分屋三分水見一竿斜插青旗無字楓在紅  
衣圖裏染酒從黃葉聲中遞算舞頭臥去有人扶何妨醉

水調歌頭

滹沱河

春草一亭綠麥飯幾家烟人渡滹沱河口去去夕陽船往日事  
傳銅馬今日沙埋鐵鏃浪捲沫花圓古廟亂鴉語大樹憶何年  
宛城走雲臺築赤符延有箇故人天際作壻傍神仙不羨君  
王九五不羨星辰四七高枕釣竿眠富貴等閒耳危度亦堪憐

後漢書注光武所度  
處俗謂之危度

南鄉子

桃源



雲捲一村晴芳草裊腰畫不成  
絃索吹來茅店裏東丁小伎楊  
花唱好聽春水夜來生誤殺  
尋源艇子行幾樹野桃開放了  
清明閒看風鳶放出城

滿江紅

乙巳暮春重過揚州作

十載樊川重問到揚州風月有多少舊家燕子可憐離別小海  
唱來三月暮大江東去千秋咽  
膽紛紛飛雪滿燕城楊花熱  
愁未了歌桃葉夢未醒尋蝴蝶  
歎繁華自古供人一瞥仙鶴零  
丁游子在竹枝縹緲餘聲歇待  
髣髴禪榻話前因茶烟活

某作人呼  
爲董竹枝

摸魚兒

不到西湖八年矣山水相逢彌增感慨醉歌此曲以寫

余懷

怪平生愁花愁鳥如何偏爾情戀爲戀水光山色好宛似故人  
青眼柔艣喚早幾載相思撇向烟波遠前緣更踐合畫我三生  
騎牛渡口一簪一篸短閒情惹不少蘋花舊怨吹來還又尊  
畔雲窗霧閣尋常夢說與白鷗都倦腸欲斷歎故侶山頭半結  
棠梨伴西風又晚漸門近錢塘背馱紅日歸路踏莎懶

賀新涼

揚子江阻風

塔上鈴何語颭簷端聲聲唱出公平無渡今日孟婆能合皂截  
斷中流萬艣只一派浪花掀舞辛苦江豚招且拜料我生鷁退  
寧關汝船尾坐酒堪煮矯然白鷺翻濤起看星星飛來碎沫  
滿身如雨莫是三山仙客會搬演魚龍舊譜定笑我茫茫羈旅



那得使船如使馬算不如竟打回帆鼓風且息勸君住

百字謠

陳伯恭同年崇本屬題迦陵先生填詞圖

公眞健者記昔日詞壇交推青  
兒醇酒婦人供跌宕學得信陵  
生計筆秀枯毫衫橫老淚誰曉  
琵琶意功名五十馬周頭早白  
矣 嘯向玉宇瓊樓欲乘風去  
只有髯蘇比一百年來朋輩盡  
今日玉梅花底井水依然旗亭  
故在莫說先生死安排鐵笛玉  
龍夜半催起

滿江紅

朱春橋方藹舊有觀演邯鄲夢詞一闕今刻在小長蘆

漁唱中余在都下偶閱是劇卽用其調賦寄春橋

過眼曹騰纔信了當場顛倒悔輕被文人提破天工應惱冠帶

一番烏爨弄爭琶幾曲華胥調比長房藥市興如何壺中跳  
榮辱事難憑料烟雲意誰分曉走邯鄲道也故人不少人哭人  
歌傳舍換夢來夢去神仙老問與君此段甚因緣拈毫笑

又

題畫

一片清秋也不出倪黃家法只寫得緜緜渺渺丹黃叢雜近水  
人家苔氣入倚天峯影簪頭插聽前溪如有葉聲來樵人踏  
林簇簇炊烟合波淼淼蘆花夾置余身此地水雲堪狎老樹西  
風指癢馬荒陂斜照呼雛鴨問抱琴人出恁忘歸柴門闔

金縷曲

楊丈硯雨歿五年矣令嗣蔣梅世鯨檢遺墨中得枯樹

一幘尚未皴染屬陳熙臺表叔世燾以雪景補之余述



此詞

草滿黃墟矣 歎幾年蕭蕭槭槭樹猶如此寒透鴉心飛不去凍  
返一池墨水誰解把梨雲喚起五度春風難得見算先生白鳳  
歸來耳烏帽影暮烟裏探梅重說臯亭事也只是迷迷一片  
月明人醉今日替君重著筆捲得珠殘玉碎早莫辨野橋山寺  
鱗爪數行埋未盡剩詩人驢背經營意持示我灑清淚

又

題沈梅村洗硯圖

一片無情石慣磨人腸枯骨削直教頭白笑破雙雙鸚鵡眼終  
日雲烟狼籍我欲就種花人說筆底烟雲驅策慣洗瘡痍又要  
波千尺憑此觀灑膏澤功名試數甘棠跡已不負龍泓老友  
卅年相識稚文嬌兒拈筆弄也學阿翁此癖且莫問何時拋得

縱待他年婚嫁了更

畫林泉策千古事寸心積

百字謠

夜宿清河大風

飛空萬鏃射林間怪石吼聲如虎野店天寒窗紙裂落葉繞燈  
而舞簫簫歌酸琵琶調啞月黑高高樹龍愁鼉噴塞沙吹灑腥  
雨那管喚弟呼奴白狼河畔征雁回翔苦和我雄心齊捲去  
撼折當年銅柱馬齒枯其狐皞破壁夢逐荒城鼓喧鼙耳後不  
知馳獵何處

過秦樓

懷柔道中

撲面風尖壓裝雲重一騎鞭絲孤裊笳悲塞苦笛怨邊寒白盡  
滿天沙草爲問廢壘前朝蒼莽空山有誰憑弔羨太平圖畫橫



騎牛背牧兒閒好 休更數敕勒歌豪尉遲杯滿無限古人懷  
抱荆卿畫地鄒子談天都係者邊斜照誰道今日可憐城角黃  
昏鴉吹到且尋余宿處前路大聲如豹懷柔燕之北境太子丹使荆軻獻地圖即此秦谷乃鄒衍吹律處

無悶

出古北口

垂者雲耶立者鐵耶相對崢嶸萬古繞一髮中原自成門戶照  
出牆邊冷月怕更向秦時從頭數斷鞭籠袖回身馬上但看來  
路行旅亂山去問酒肆誰家冒寒沽取任落葉呼風吼聲如  
虎高歌出塞盡捲八丁丁琵琶語待射侶相約殘年爲道短衣  
休誤

珍珠簾

灤河大雪

凝雲情逼龍堆晚釀尖風密灑銀沙凌亂匹馬犯寒來詫一番  
初見帳裏琵琶翻舊曲滾不斷白翎天半堪翫更寒樹無雲萬  
花春捲當此縱飲須豪便市高酒價貂裘能換曼衍戲魚龍  
笑眼前都幻起躡松根尋虎跡要血洗今朝腰間箭誰伴看莽  
莽羣山碎瓊鋪滿

瑞鶴仙

羅漢峰

問科頭袒臂胡不肩短錫不攜隻履津梁想疲矣只無聞無見  
無嗔無喜西來萬里更甚時還證初地看烟寒月黑空林虎嘯  
懵憧如睡其下灤河暗繞疑是禪心化成空水萬緣淨洗觀  
餘面皺難記賸青蓮華在莊嚴多寶白雲千丈湧起響天風咫



尺相對磬捶

影裏

面對磬捶舉即水經注所謂石槌也

尉遲杯

月夜同宋芝山飲郭參軍宅

招明月萬里外來就清光說人生見汝先愁只照年年離別今宵對酒更塞上相逢恁愁豁喜參軍肯恕臣狂一場同舞回鶻休道壘塊難消便壘塊消時已老豪傑故李將軍猶在否能幾射青山石裂膽沙外千行冷雁空爪印長城古時雪惱醉來如意提攜唾壺之口敲缺

送入我門來

戊申除夕

熱鬧椒盤轟騰羯鼓青檀坐得人孤短蠟多情也替淚模糊三杯婪尾澆無益早鬱壘胸中成畫圖數人間苦樂危臺避債深

院呼盧

況有天涯二老兼之稚男碎女幾度思君一段鄉愁難入綵箋書爆竹誰家爭餞臘驀閃閃來燒心血枯更松明火旺熬銀煎雪吹上頭顱

滿江紅

觀射

毛血縱橫記獵騎城南大會曾慣聽餓鴉聲叫仰頭雲外金僕姑從天上落銅將軍向歌中賽嘆于今半是失弓人何其憊舞蔗杖渾難再識丁字安能賣騫皮球響起故人宛在妙技爾誇楊可中雄心我亦蒲之愛恍殘年射虎短衣行飛狐塞

又

何春渚

琪

以書來問近狀賦此答之

再拜覆言謝足下加餐來教念近日閒身如竹平安堪報結淨



只貪鞦韆供療飢不待軒光竈但黃昏洗足睡齁齁忘天曉  
裁錦段無機巧持算子時顛倒任錢刀作橫我何須校肥瘦靜  
看三蟲訟官私戲判羣蛙開但梅花種就我應歸期同調

百字令

登天津望海樓

青浮窮髮帶腥風蜚雨吹來寒色人傍闌干天半迴天外怒濤  
如立烏兔雙飛魚龍萬變混濊連朝夕誰乘高興蜃樓能倚吹  
笛回壑碣石蒼茫斷虹飲處一片光明滅萬頃瓊壺搖暗綠  
金鴟擘來都裂魑魅猖狂馮夷鼓舞咄咄如相逼把杯遙酌佔  
牆飛上蝴蝶

滿江紅

長田村觀蠶花戲

田野春閒問誰試隨身竿木漸打徹聲聲腰鼓看場人簇大婦  
慣爲烏鬢弄小姑纔過油花卜賽馬頭絃索一般清迎神曲  
食幾葉紅蠶熟收幾箔銀絲足早郎當舞罷日斜茅屋圖畫宛  
然田戲好流連那得秧歌續聽餘音縹緲竹枝遺波搖綠

沁園春

題查蘭圃同年

堂

月影扇頭

似此圓光非幻非真在水中乎記小時不識玉盤呼汝前身定  
是碧落尋吾捉處原空指來卽現盪入懷中成一珠渾相印道  
扇圓如月月也人如今宵伴我非孤且米汁相邀醉此壺漸  
玲瓏悟境清涵竹柏分明毫相白遍江湖犀角窺穿兔毫吹起  
勘破禪家三昧圖涼風早任一輪收去影也都無

水調歌頭



題友人學稼圖

江水聽吾語何事不歸田十雙須買陽羨等辦束裝錢且讀齊  
民要術有日荷花紫草同坐夕陽邊去便耦耕去如願定何年  
磨不庾擔不怕荷鋤肩不如將就料理早向五湖烟有箇山  
妻餽飯有箇稚兒叱犢儘勝客窗眠讀書忽長歎起立望青天  
瑞鶴仙

七夕

問天天不語只情波脉脉盪搖今古星如渺何許道節是雙蓮  
怎禁心苦回頭極浦算又過西風一度看樓前淺月深燈涼照  
幾家兒女延佇圓蛛網結靈鵲橋迷又催機杼零絲斷縷愁  
無著夢無據甚一條銀漢清冷冷總是紅牆隔住怕來朝花  
雨牽牛脰飄淚雨

賀新涼

五十生日有感

五十平頭矣歎無端鬢毛點雪飄蕭如此歲歲文章稱供奉那  
免葫蘆樣子但瘦馬東華塵裏賸有頭銜冰共冷笑蠶眠圓嶠  
何時起人轉羨處清祕秋風正擬尋歸計早幾日思親夢遠  
白雲千里負米尚知腰脚健只要茅堂預置料河渚經營猶易  
種就梅花還釀酒待他年補作萊衣戲增馬齒祇慚耳

又

題家山尊孝廉南樓却扇圖卽送其之山左

猜了春燈謎袖香鞭東風送去堦鄉千里那道滑稽成故態今  
日居然齊贅筆一顧盈盈扇底多少五銖爭撒出笑相如賣賦  
錢難比催綵筆句重試關心偏是登科記甚匆匆歡筵纔罷



別筵還啟可奈杏花能冷落孤負呢喃燕子又打棹藕花風裏  
且學畫眉時樣好料芙蓉鏡下終須第憑看取東方騎

### 大江東去

西湖蘇公祠落成同人分體賦詩余用公舊韻譜此

老髯仙去曾管領幾載西湖風物今日水仙王廟近遺句重尋  
苔壁玉版禪清花豬味俊一瓊澆涼雪嶮嶮詩骨晚山能鬪雄  
傑還憶晴雨昏朝淡粧濃抹裏笙歌催發萬頃葑雲迷舊夢  
孤鶩白鷗明滅回首蠻荒枕椰葉暗細路盤如髮瓊樓歸好羽  
衣來弄秋月

### 賀新涼

題譚子受吹簫乞食圖

笑破風塵裏怎青衫者般藍縷也呼公子奴輩一聲吹欲裂險

把魚龍喚起道今古那非游戲酒肉朱門同一例到墻間便短  
英雄氣風颺去紙錢碎何妨跌宕吳門市又何妨歌姬院內  
粉圍香倚拓盃年來吾亦慣學得阿難生計只瘦骨錚錚如此  
曲罷蒼涼能和汝儘蓮花唱落秋水殘杯好且同醉

### 壺中天

題舍弟錫麟石門聽瀑圖

甚時醒耳歎身世多被箏琶催老爲覓西堂春草夢忽有清音  
飛到細或蛇修大真鼉吼萬籟生苔竅雲驅霧捲海風移過三  
島休論往日青田讀書臺上雷雨關懷抱知汝壯心渾不已  
要共青山呼嘯九里松長三天竺近但喚歸來好幾間茅屋聽  
秋同翦燈小

### 金縷曲



張東畬

應均

以二端溪硯贈范支山同年

來宗

并繪贈

硯圖

以紀其事今東畬歿矣支山讀畫懷人有感今昔

索余為此詞以述之余將北行自顧生平不能硯耕以

老飢驅奔走悵悵於懷也

來往成幽契寫蕭閒吟聲屋內屐聲林裏兩度紫雲頰剖贈穩  
稱書生活計把墨浪千層吹起氣合空山風雨急感精靈片石  
盟生死滴難盡蟾蜍淚憶君芸館翱翔地數三千翰林風月  
露華涼洗十載歸耕瑤草長贏得良田如此嘆我亦風塵老矣  
鸚鵡依稀偷冷眼笑書堆難覓青燈味飢驅去又千里

五福降中天

查蘭圃夙耽禪悅以家慶圖屬題戲為拈此

團圓共說無生話尋思是何因果竹報平安林成堅固著得踞

跌人坐情緣勘破便何肉無妨周妻亦可活現如來拈花笑口

者般哆淨場原是戲劇甚隨身竿木難道真箇跳出葫蘆打

開窠曰不怕毘嵐掀簸珠圍翠裏蕩一片香光此中畱我米汁

須分玉梅三九過

圖中多畫梅花

金縷曲

題楊米人通守

瑛昶

觀津祈雨圖

壬子歲畿輔旱甚時米人攝武邑事聞衛水有者農楊姓者能

祈雨因延之來於東郊設壇以几爲臺以席爲城臺凡十三級老農立其上焚香頂禮米人率其同官柳縷草履齋宿于壇三日甘霖大霑米人因繪此圖而屬同人題

疊几紛無數儼通天一臺高築上迷烟霧元武蒼涼旗十丈遮

得扶桑欲暮待海上招龍而語沸耳潮音驚夢醒探神珠齊向

喉中吐回翠色滿禾黍由來感應誠堪據東先生請天三日

報之甘澍看到丹青先快意獵獵風頭起處便草木也知飛舞



尚有輕雷花外碾  
賽豐年預打迎神鼓  
真一卷活民譜

又

翁覃溪前輩

方綱

摹文信國與吳架閣三札架閣裔孫

蘭雪孝廉

嵩梁

屬題

高揭勤王幟  
早當筵屏除聲伎激昂而起  
萬里風塵籌筆驛佐者  
吾家義士同閱盡艱難時事  
白雁橫空烽火急  
要先商庚癸軍中謎祈嘉納羽書遞  
千秋不朽惟忠義  
到今日蘭亭摹本也  
含精氣想見新田終老日  
猶記咸淳甲子只可惜黃冠人死  
攜向青楓根下讀  
惹西臺如意齊敲碎  
分明是幾行淚

又

方正學先生畫松今在胡雪蕉水部

永煥處

一抹寒烟繞想搖毫寫成直幹上  
千雲表其下棱棱巉石倚莫

道青苔點少要瘦骨同撐孤峭此筆輪囷千古  
卓肯麻衣來草新君詔聽謾謾怒濤  
張來素壁風生悄渾不許湘簾捲處  
燕兒飛到回首金川門外路  
愁殺蒼龍夢吞膾幾樹之而鱗爪  
一片臣心圖畫裏  
戀半邊月子陰陰照畱正氣永宜寶

又

高忠憲公畫像

暗搵孤臣淚著青衫飄蕭一葉揭陽歸未  
偌大乾坤須擔負全仗此心不死在忠孝兩端而已  
君子原無朋黨論汨清流都是宵人起真脉絕國亡矣  
一生學問求其是想往日夕陽亭下那貪生計  
孤鼠縱橫吾不辱此志先盟白水勝千古虹蟠波際  
遺疏何堪燈下讀  
哭靈均當作招魂紙瞻面目有生氣

沁園春



萬廉山明府

承紀

年十五時曾乞羅兩峰爲畫請纓圖

今幾二十載矣廉山王子領鄉薦兩上春官不第八楚  
從軍頗著奇績蠻部平以議敘得官縣令壬戌春相遇  
吳下酒酣話舊感慨及之屬爲題此

是乘襦生是請纓人封侯也宜記寒營雪滿髑髏生擲大旗日  
落箴策狂吹名士風流健兒身手說與龍泉知不知吾猶羨羨  
黃鵬年少曲裏歌伊 相思幾換年時算辛苦真從賊裏歸看  
斑斑劍上尙留殘血彘彘領下已長新髭鼓角餘聲瘡痍舊痛  
今日來牽花縣絲春風快聽白麟奇木行對 形埒



